

四庫全書

子部

欽定四庫全書

萬姓統譜卷七十三

明 凌迪知 撰

上聲

四紙

金李俊民

澤州人得程子傳授之學承安中進士第一為應奉翰林文字尋棄官不仕教授鄉里隱

嵩山自號鶴鳴嘗遇隱士授以邵雍皇極數劉秉忠甚推許之元世祖召至訪問復乞還山卒

賜諡

莊靖

李杲

鎮州人世以貲雄鄉里杲幼歲好醫藥捐千金從易州張元素學不數年盡傳其業資性高蹇

少所降屈大夫非危急疾不敢謁其學于傷寒癰疽眼目病為尤長療而愈者甚眾當時皆以

神醫目之所著  
有東垣十書

李慶嗣

洺州人少舉進士不第棄而學醫讀素問諸書洞曉其義天德間歲大疫慶嗣攜藥與米

分遺貧民全活者甚眾年八十無疾而終  
所著有傷寒纂要及傷寒論針經等書

李獻甫

河中人與其從兄獻卿獻誠獻能以文章名相繼擢進士獻甫博學有幹局心所到處人

不可及歷鎮南軍節度副使死  
于蔡州之難所著有天倪集

李上達

字達道濟陰人仕宋為東平府司戶參軍齊國建為吏部員外郎攝戶部事劉豫行什一

之法上達論其弊改為五等之制累官山東西路轉運使到官再期比舊增三十餘萬貫戶部

以其法頒  
之鄰路

李革

河津人性穎悟讀書一再誦輒記不忘舉進士累官戶吏二部尚書貞祐中拜參知政事後出

知平陽府城被圍屢出戰裨將  
出降革遂自殺贈尚書右丞

李愈

絳州人慷慨尚志節正隆中進士為監察御史彈劾無所避累遷刑部尚書在朝多所建明後

封隴西郡侯卒謚清  
獻所著有狂遇集

李復亨

榮州人年十八登進士調臨晉主簿貞祐間  
遷翰林直學士行三司事後拜參知政事兼

修國史出為安國軍節  
度使元光初城破自殺

李晏

高平人個儻尚氣皇統中經義進士為中平令  
世宗素識其才召用之後官至禮部尚書翰林

學士承旨卒諡文簡子仲略大定中進士累官吏部侍郎山東按察使剛介特立不阿權勢卒

諡襄

獻

李經

錦州人作詩極刻苦喜出奇語李純甫見其詩曰真今世太白也由是名大震再舉不第拂衣

去南遷後其鄉帥有表至士大夫識為經筆朝議就命倖是州後不知所終

元

李德輝

潞人性極孝友操履清慎仕為太原路總管凡可以阜民者皆力為之後為安西行省左

丞招降羅施鬼國及卒蠻夷聞訃哀哭之如私親至為位而祭及立廟祀之

李衍

蘭丘人號息齋道人博學多通官至浙江行省平章政事卒諡文簡衍善竹石窠木所著竹譜

今傳子行官至黃巖知州竹石得家學尤善山水

李士瞻

東安人為翰林學士承旨封楚國公嘗使閩適海酋據福州城王師攻之不下士瞻諭以

禍福酋遂出降閩人立祠祀之有經濟集子守成官至翰林檢討有德望河朔學者多師之有

一山文集

李治

樂城人金末進士世祖在潛邸聞其賢召問天下當何以治之對曰有法度則治控名責實則

治進君子退小人則治世祖即位召為學士期月以老病辭歸去買田封龍山下聚徒甚衆卒年八十八所著有敬齋文集及他著述共百餘卷

李鉉

字伯鼎黎陽人守延平擒寧化寨寇及解福州海寇寇閩進擊福安寨寇戰於政和泗州橋弗克

賦詩曰戰敗誠宜死沈思恨復牽君親恩未報忠孝事難全埋骨應無地知心祇有天孤魂托

明月夜夜白雲邊遂戰死事聞贈鎮國上將軍  
隴西郡公兄鈞字伯衡累以戰功至懷遠大將  
軍亦討砮寇於清流  
戰歿閩人號曰雙忠

李元禮

真定人性莊重累官太常博士一時禮文多  
其所詳定元貞初拜監察御史彈劾無所回

撓後改國子司業卒追封隴  
西郡侯子端仕至禮部尚書

李茂

大名入徙家揚州父興臨卒語曰吾死爾善事  
母茂泣受命奉母益謹母病目失明茂禱于  
泰安山三年復明母歿居喪哀慟聞者傷之揚  
州再火延燒千餘家及茂廬皆返風而滅事聞

旌之

李彥忠

永平人性至孝父喪廬墓  
八年不至家至治中旌之

李黼

字子或潁川人父守中為工部尚書黼泰定中以明經魁多士累官宣文閣監書博士兼經筵

官數與勸講每以聖賢心法為言至正中江南寇起出守江州路總管捍賊有功詔為行省參政賊大至城陷巷戰叱曰殺我無殺百姓與從子秉昭皆罵賊而死諡忠文兄冕居潁亦死于賊

李齊

字公平廣平人元統初進士第一知高郵府有政聲時張士誠據泰州河南行省遣齊往招降

被拘久之縱歸已而有詔赦叛逆者士誠陷高郵不受命紹曰請李知府來乃受命齊往則囚之官軍進攻城士誠呼齊使跪齊叱曰吾膝如鐵豈為賊屈遂遇害時人悲之

李孟

上黨人曾祖執金進士孟通貫經史善論古今治亂從仁宗居懷州屢陳君臣父子之義後累



官中書平章政事加翰林學士承旨卒諡文忠  
孟宇量閭廓材略過人三入中書知無不言子

獻御史  
中丞

李之紹

平陰人家質教授學者咸集至元末以薦授  
國史編修姚燧欲試其才凡應酬之文積十

餘事并以付之之紹援筆立成燧驚服焉延祐  
中遷國子祭酒後遷翰林侍講學士自號果齋

有文集  
藏于家

李沔

滕州人有文名以姚燧薦授國史院編修官遷  
待制以養親辭歸文宗召至著書輔治篇以進

又預修經世大典累官翰林學士晚年僑居濟  
南洞骨格清峻如神仙中人為文揮筆思態疊

出有集  
四十卷

李孝光

字季和樂清人少博學篤志好古隱居鴈蕩山五峯下四方從學者衆聲譽日聞秦不花

以師事之南行臺監察御史闕辭屢薦居館閣至正七年詔徵隱士以秘書監著作郎召見順帝于宣文閣進孝經圖說順帝大悅賜上尊明年春陞文林郎秘書丞卒于官孝光以文章負名當世其文一取法于古人而不趨世尚非先秦兩漢語弗道有文集二十卷并鴈山十記行于世于

李庭

壽光人以材武選至元中從大將攻宋襄樊取臨安每陷陣先登以功累遷中書左丞後東征日本遇風壞船庭抱船板漂流抵高麗得還再遷平章政事卒追封益國公謚武毅子大用歸德府同知以哀毀卒

大椿襲益都萬戶

李學遜

綱九世孫博學洽聞善天文尤邃于易為文典雅人有得其片言隻字者寶而藏之所著

有易精解中  
星儀象等圖

李奉先

葉縣人天性至孝父卒既葬竊自嘆曰奉先兒時父嘗戒家人曰兒幼弗令獨入林野慮

其驚恐今親沒一旦棄于林野吾心惻然安所忍乎乃結菴於墓側晝夜臨哭其中植樹數百株時呼為孝子林

李廉

安福人元末以鄉舉魁登進士尹信豐擁鄉兵守城父子俱戕于難邑人立雙節祠以祀之所

著有春秋會  
通行于世

明

李貞

臨淮人為孝友謙約幼避兵淮東後居守倉卒遇變有戡定功洪武初以姻聯戚里拜尉馬

都尉封曹國公薨追封龍西王謚恭獻

李善長

定遠人國初迎附仕至太師左丞相進封韓國公坐胡黨暴卒虞部郎中王國用上書訟

公寃不報子祺尚皇長女臨安公主為駙馬都尉韓國首附義旗與謀軍幾盡饋餉甚見親信大封功臣太祖諭諸將曰善長雖無汗馬之勞事朕久給足軍食功甚大券文比之蕭何不幸死于胡黨舉朝無一人救者惜哉

李文忠

字思本直隸人開國累功仕至大都督府左都督曹國公卒追封岐陽王謚武靖配享廟

廷子景隆靖難國除嘉靖中裔孫嗣臨淮侯文忠高帝姊子也器量沈閑莫窺其際臨敵蹈厲奮發遇大敵膽氣益壯夫以肺腑之親攀風雲之會東征西討所向輒克五出漠北深入不毛

殘胡竄匿獸駭鳥散雖李靖之擒突厥介子之斬樓蘭茂以過矣家居恂恂若儒生賦詩雅歌有祭征虜之風詩曰文武吉甫萬邦為憲岐陽有焉

李琦

元氏人洪武初以經明行修授監察御史遷大理寺副永樂初安南侵廣西地命琦往琦以書喻順逆禍福安南感悟遂歸侵地還陞禮部侍郎後占城與安南交惡復命往喻兩國遂和好後陞湖廣布政使甚得民心

李得成

涑水人母張氏避兵度不能脫自投于河後得成夢母在河水下臥冰七日致河冰俱釋

洪武中以孝廉舉授光祿寺署丞遷尚寶司丞永樂間陞陝西右布政使尚

李敏

潁州人洪武初為工部尚書尋陞江西行省參知政事復轉工部尚書賜以浙江田土卒遣官

祭 葬

李希顏

邳縣人博通經史窮極根柢洪武初為左春坊贊善大夫進講經筵多所裨益嘗註大學

中庸心法又同邑張叔廉亦以儒行卓異徵為國子學正

李昶

涇陽人洪武中擢左府都事陞戶部郎中永樂初陞北京刑部左侍郎轉戶部嘗扈從北征轉運不絕宣德中陞戶部尚書昶和平謹恪勤職事不解而廉介之節始終不渝

李質

字文彬德慶人通詩經有大志以儒發身為東廣樞密院同舍值元末亂守有德慶封州二郡

地洪武初款附授中書斷事遷刑部侍郎尋陞尚書繼授浙江行省叅知政事致仕還次子伯

震任光祿寺丞

李文郁

襄陽人洪武中任教官尋陞通政司叅議永樂初陞戶部侍郎未幾坐事謫戍遼東洪熙

初召復叅議為人性介直持守堅正久處患難不移其志宣德中引年致仕卒

李祥

咸寧人洪武初督府斷事歷金尚寶司御浙江按察使為人識度明雅威儀莊肅上素重之親

為語詞極其褒美云

李象賢

台州人徙籍華亭明春秋瞻文詞洪武初舉本府儒學訓導子至剛博學能文與舉明經

累官禮部尚書兼左春坊大學士預修永樂大典出知興化府卒于官

李民瞻

泰興人由前元舉人選充通贊官洪武三年授都督府都事陞刑部侍郎再遷尚書後改

戶部卒于官

李徵

山陽人由國子生任考功監令有幹濟才洪武中陞兵部尚書

李濬

和州人父旺洪武初以從征有功授副千戶濬襲職勇敢自奮累功陞北平都指揮同知永樂

初以靖難功進封襄城伯及卒子隆襲爵為將重儒下士御衆有方守備南京聲譽赫然

李仕魯

字宗孔濮州人太祖龍潛時嘗識之洪武初詔求傳朱學者郡吏以仕魯應上迎謂之曰

吾求子久矣何至之晚也仕魯對曰臣聞君求臣未聞臣求君陛下方以武定天下而臣欲以文追故臣有待耳除黃州同知仕魯初願備顧問上曰朕姑以民事試子耳未暮果以治聞召為大理寺卿時有僧金碧峯者應對稱旨求為增建職司仕魯三上章謂今天下學校尚未建儒風尚未振而先為異端立赤幟非所以垂遠也上怒仕魯乞歸遂得罪以死



李德

字仲修號易菴南海人洪武初以明經薦授洛陽長史後得請教諭漢陽遂歸卒于家

李仲德

上高人洪武丁卯以賢才應辟任龍江提舉上言民情未幾攝河南道事清儉執法時以

鐵面目之陞大理評事改刑部四川等司主事捐俸餘以濟公用同察高志明等忌之以事誣

仲德廷爭不屈觸上怒被誅既而察其誣特旨賜祀戮誣者以殉

李新

字克明通之子天性剛直洪武末由太學生任兵馬指揮歷監察御史振舉憲度轉工部郎中

能聲益著官至戶部右侍郎多所建白宣廟常呼李愬而不名其見重如此

李遜

景州人登洪武甲子鄉試學行卓然官至翰林院學士

李玉

交河人永樂初由戍卒守邊克效勞勸屢立戰功累陞真定指揮使宣德初陞中軍都督僉事

封新  
建伯

李祥

河間人由太學生歷官有能聲  
仕至陝西布政使名重一時

李堅

武涉人父英開國有功為驍騎右衛指揮僉事  
力戰死烏撒贈指揮使堅尚太祖第七女大名

公主為駙馬都尉嘗與駙馬歐陽倫梅殷陸賢  
賑濟北平建文君即位進公主大長公主堅素

負才勇充左副將軍從長興侯北進遇靖難兵  
諸將謹備西北靖難兵突擊出不意破西南長

興侯大破靖難將丘福又攻子城堅出接戰互  
有勝負封堅灤城侯食祿千五百石與世券已

而兵敗萍沱河薛祿引槩中堅墜馬祿揮刀直  
取堅堅大呼我李駙馬勿殺祿擒堅見成祖成

祖謂爾至親今至此奈何械送北平道卒子莊  
以公主故特宥當嗣公主懼禍綴誥券莊流寓

南京詩酒終其身公主至宣德初卒或曰堅子莊嗣侯謚威壯弟成為中都留守改山東都指揮成子陞世南京衛指揮使祿後封陽武侯

李任

永康人洪武中襲父爵為燕山右衛指揮永樂初陞遼東都司鎮守彰德宣德元年從征交趾叛賊黎利守昌江城獲都督蔡福逼令福至昌江城下呼任等速降任於城上唾罵福曰汝為大臣不能殺賊反為賊用狗彘不若用銃擊之賊懼擁福去賊以昌江為官軍出入咽喉之地大集兵衆用烏銃呂公車雲梯來攻任與顧福等留老幼婦女守城率精銳出擊賊燒其攻具賊又築壘射城中任福夜出襲破賊營賊掘地洞欲潛入城任開橫溝用將軍石擊之入者輒死城中士卒初有二千餘人前後三十餘戰至是死亡過半賊益兵衆攻圍日急相拒凡九閱

月人力疲因芻糧匱乏而賊益衆以雲梯登城  
奪其門任復率死士三戰三敗之賊擁衆益兵  
而入任與福不能支乃自刎死

**李遠**

懷遠人沈毅有膽力善騎射從軍靖難累功封  
安平侯從征時突陣力戰馬蹶被執罵不絕口

而死追封莒  
國公諡忠莊

**李嘉**

宛平縣人幼立志事父母盡孝始為奉祠所禮  
生永樂初以守城功授鴻臚序班陞通政司叅

議官至禮部侍郎嘉持身端  
謹剛方嚴毅人不敢干以私

**李孟璿**

海鹽人祖元白以賢良起家嘉興副總管清  
白著吏績孟璿永樂中以經明行修被薦歷

嘉興汝寧訓導所著有南庄集弟仲璣李衡皆  
有文行李衡有西溪集子景孟景孟子滂俱知

縣

李隆

字彥平和州人永樂中襲父爵總兵鎮山海三  
開宣德元年留守南京十八年召還隆丰安

重器宇宏遠最識大體接儒者之禮尤恭上下  
靡不敬畏正統中以得人心見疑召回京師始

近聲妓為自安計自  
後代者終莫能及

李季鼎

大興縣人永樂初以國子生拜為左春坊贊  
善講經書深見禮待為人博學強記當時號

為書庫及致仕猶訪以時政  
宣德初以輔導功錄其子

李時勉

名懋以字行安福人永樂甲申進士選為庶  
吉士除刑部主事預修實錄改翰林侍讀嘗

陳時政十五事洪熙初改監察御史宣德初復  
舊官尋陞學士正統中選國子祭酒教規嚴整

士類多所造就存心不愧古人所著書甚多  
學者稱為古廉先生卒謚文毅鄉學祠之

**李友直**

清苑人為北平布政司叅議陞刑部侍郎洪  
熙初陞刑部尚書宣德初改工部為人坦夷

明敏不與物競與人言必歸于忠厚人有急  
必赴之有犯者不校人皆稱其寬厚長者

**李素**

順天平谷縣人永樂中浙江按察司副使在任  
發奸擿伏深知民隱聽訟折獄下無遁情執法

平而吏  
民服

**李厚**

字執中祁門人自幼性孝美姿容頽然孤特洪  
武中選補弟子員永樂初由太學生授刑部主

事存心忠恕臨事決斷籍籍有聲時京師密察  
民俗甚嚴有坐童孫毆祖母獄者厚以童稚無

知非真有所毆也  
上疏請悉不聽

李彬

字文質懷遠人嗣父指揮僉事靖難累功封豐城侯總兵鎮交趾卒追封茂國公謚剛毅

李驥

字尚德郟城人洪武丙子舉人授給事中仕至河南知府

李慶

順義縣人由國子生署都察院右僉都御史累官兵部尚書兼太子少保安達侯柳升征交趾

慶參督軍事至交趾卒慶剛直敢為不畏強禦遇事有未便侃侃爭論當時嚴憚之

李公諒

雖縣人性沈重寡言以賢良舉擢翼城知縣時兵燹之餘民不聊生公諒教民拾野菜槐

莖五易水糞之以濟饑民免流離驛中夜常有怪使客靡寧公諒移牒城隍神其怪遂滅終廣

州知府

李茂弘

黃巖人永樂中進士擢刑部主事尋陞吏部考功司員外郎在任廉慎安詳僚友咸推重

之善吟詩志尚淡薄不慕容進方  
六十餘即乞致仕優游十載而卒

**李昌祺**

廬陵人博學強記永樂甲申進士選為庶吉士歷官禮部郎中舉陞河南左布政使蒞政

精敏庭無留事時以廉能稱致仕卒所著有詩文集藏于家

**李騏**

長樂人永樂戊戌舉進士第一初名馬文廟親改今名為人耿介有氣節不肯嬖倖依隨仕終

翰林  
修撰

**李芳**

直隸人永樂十三年進士宣德中為刑科給事上每朝退御便殿與大臣議事百官候左順門

芳直前言洪武中百官朝退凡大臣奏事必給事中二人與之俱所以防弊上顧謂侍臣曰芳言是芳退輒自矜每見百司所為事少不如其意即詣上前言之眾皆側目上亦惡其訐降為



嘉興海

鹽縣丞

李衍

字文盛鄞人貢入太學中順天乙卯鄉試會王

振承張太后旨選衍寫經托疾弗往因久次不

銓遇恩例授廣州府推官屢辨冤獄以撫剿反

寇有功陞刑部員外郎時曹石用事亨家人奪

李立

民產訴於朝衍承命往勘歸田於民大忤亨意

諷錦衣門達構衍重罪謫戍宣府亨敗得復官

還田里以孝友稱

南豐人永樂乙未進士為監察御史廉重剛正

不輕許予發姦擿伏風紀肅然貪墨者望風避

去金壇縣民被誣為叛五里餘廉得其情為平

反之上目為小李而不名嘗告歸省賜鈔二百

錠道經巡鹽官舍見難毛委積如山即命館人

以一難令試拔之得毛幾何計賦奏黜其官時

人謂之李難毛仕  
終按察司副使

李贊

字茂實長洲人永樂進士除兵部主事在武選二十年受知於尚書方賓陞太僕少卿開遣領

王驥征麓川奏贊為佐還陞兵部侍郎贊勤敏有吏材習知兵事性沈厚不苟居鄉未嘗以貴

加人  
厚德稱

李賢

字原德鄧州人宣德壬子鄉試第一癸丑進士授吏部主事仕至少保吏部尚書華蓋殿大學

士卒贈太師謚文達賢為人恭嚴莊重得時行志不為小廉曲謹平居無疾言據色其容粹然見者如在春風中浮躁者為之自失陰狡者為之中阻蓋其所養者深故其所得有大過人者論者謂天順以來所以正君德恤民生進賢才廣言路抑僥倖却夷狄皆賢之力云三楊之後

文達一  
人而已

李崇

字宗楷縉雲人宣德丁未進士歷官侍郎

李紹

字克述江縣人宣德癸丑進士改吉士授檢討仕至禮部左侍郎

李田

字舜耕嘉魚人景泰甲戌進士歷戶部郎中成化初督餉征蜀有功擢廣東左叅議海南夷叛

躬抵巢穴懇切開諭夷皆效順進左叅政閱歲辦綵幣除墨印之弊累遷副都御史巡撫京畿歲饑發廩賑之嘗建議增漕以足邊餉嚴令以警邊烽給財以市戰馬設法以完隊伍專任以責成功立禁以息詬訟皆允行之中官汪直用事怒田不私謁遂歸或怵以禍無懼色

李濬

武定州人由太學生擢監察御史性資篤實宣德中歷陞都察院左副都御史

李素

安邑人宣德庚戌進士授戶科給事中累官通政司右通政剛直有為數奏詳雅時論稱之

李輅

安邑人正統中由御史出知大名府久之增秩至陝西參政掌府事學士曾鶴齡嘗稱其為政清而溫惠而直廉而不激寬而不縱時人以為實錄云

李遜

字時敏南豐人進士正統初知嘉善機警有吏才下不能欺秩滿民乞留陞俸復任三載陞知

廉州府

李堅

唐縣人正統末舉進士改翰林院庶吉士拜監察御史時上求翠羽於諸省堅上章止之坐是

外補桐廬知縣興學勸農抑強弭盜建立義倉積穀數萬石徧設鄉社以教童蒙之士堅嘗蓄馬於任產駒一及歸留之至今民稱其清介

李泰

字文通，香河人。正統戊辰進士，歷翰林院學士。

李本

字立之，富順人。正統戊辰進士，歷官尚書。

李敏

字士勉，襄城人。景泰甲進士，歷官尚書。謚恭靖。

李衍

字文盛，隆慶州人。景泰辛未進士，歷刑部尚書。

李綱

字廷張，長清人。天順丁丑進士，初授御史。出按南直隸，浙江風裁甚著。憲廟即位，首請斥胡僧。

伎士累陞左僉都御史，出督漕運。二年卒。綱性峭直，清介，與物寡合。平江侯陳豫素與有隙，聞

其沒，即館筭篋，惟衣書而已。上知清忠，賜祭葬。

李承芳

字茂卿，嘉魚人。幼穎敏，生七月以筋畫灰作土地二字。年十四，伯父中丞田指鄉富貴者。

示之曰兒志及此乎對曰富貴不淫貧賤樂兒志也成化庚戌舉進士授大理寺評事無鮮裹良馬嘗謂主事楊循吉曰予得俸三十緡可津而南矣及陞寺副遂謝病歸與其弟承箕隱黃公山講學賦詩論治以教化為本雖蔬食屢空不悔

李瓚

臨汾人成化間履任屬歲大饑檄屬縣儲蓄備賑每歲春散而冬歛之以故民無轉徙者又漳

衛二水滌紆郡邑公力建浮艘四民乃不病涉當弘治丙辰河決長垣東明間公築長堤延袤二百餘里旁植榆柳數萬株沿堤置鋪遇大浸輒補葺而元城亦築衛河堤工費相等世享其利百姓有不事生業犯法者督令紡織遠近革化父老言李公在任十有二年百姓忘分若家

人父  
子云

李東陽

字賓之茶陵人四歲舉神童肄業京庠天順甲申年舉進士改吉士授編修仕至少師吏

部尚書華蓋殿大學士致仕卒贈太師謚文正東陽慧悟夙成文章瀟灑代言數奏明暢爾雅又能獎進才雋推挽聲譽風韻所漸人皆嚮附事太陵稱忠勤康陵時周旋曲濟保護善類清謹弗渝休休不專政歸鄉寺人顧思之

李秉

字執中山東曹州人正統丙辰進士授御史任至吏部尚書致仕卒贈太子少保謚襄敏秉才

識宏博議論持正剛直不阿人意宣遼一鎮功業德惠在人耳目秉銓方鯁為人所忌竟不復起

李充嗣

字士修四川內江人成化丁未進士改吉士授戶部主事忤權貴謫岳州府通判陞隨州

知州薦陞按察僉事仕至太子少保南京兵部尚書充嗣忠亮典則執法不撓巡撫東南治水白泖勿規小利遂獲大功坐奠留都不動聲色尤其偉然者也

**李旻**

字子陽錢塘人成化進士及第第一授翰林修撰歷兩京國子祭酒明習典禮振舉師模蓋亦不負科名云仕至南京吏部侍郎

**李遜學**

字希賢上蔡人成化進士歷浙江提學僉事器宇端雅寬而有制教人以敦行尚實為本人才高下甄別不爽而奔競躁進者常在所抑一時士習亦為少變官至禮部尚書

**李應禎**

名姓以字行更字禎伯長洲人景泰癸酉領鄉薦入太學時有中貴欲致為塾師禎固拒之授中書舍人直文華殿例寫佛經應禎上言臣聞為天下有九經不聞所謂佛經也臣實不



能寫上不之罪歷南京太僕寺少卿好古博學篆楷俱入品格文詞簡健書面折人過人多憚之卒之日無以為斂

李承箕

字世卿嘉魚人幼有大志不喜為舉子業好為古詩文入大崖山讀書非禮不動赴成化

庚子鄉試考官桑悅首選其卷監臨者不從悅上書政府論薦丙午領鄉舉丁未一試禮闈而歸聞嶺南陳獻章講學徒步往師之不復仕進乃築釣臺黃公山與兄承芳曰夕奉母怡愉一堂雖貧約不計及母喪寢苦枕塊不離喪次為人寡言笑終日端坐人莫窺其所存為詩文下筆立就若不經意工草書人爭傳之所著有大崖集

李進

字時勉山西曲沃縣人由進士成化二十年任廣平太守平易近民作興士類遇歲旱為民焦

思修利民閘灌田千餘頃以通水利渠道疏分  
澆灌有序巡理增治俱定有成規至今民受其  
賜代之者稷山王衡稱其誠心愛  
民不干虛譽不事虛文蓋紀實云

### 李芳

字德馨利津人成化進士授監察御史劾尚書  
薛遠滕昭出按山西值歲荒奏發內帑賑之時  
汪直恃寵嘗令人誣告兵部尚書項忠不軌事  
命都御史王越往按其事越薦芳同往因語同  
事者曰吾寧得罪于權倖豈可得罪于天累陞  
江西按察使發奸擿伏吏畏如神時李孜省鄧  
常恩輩居要路族人恃勢凌人  
皆置之法年五十三引年歸

### 李貢

字惟正蕪湖人與兄贊成化同舉庚子鄉試而  
甲辰進士復同登焉授戶部主事陞員外郎丁  
巳陞刑部正郎決岐府久滯之獄清山東久隱  
之田陞福建憲使陞陝西右轄轉山西左轄時

各省賂中官瑾者如市公曰割民膏以媚權倖可乎陞都憲巡撫遼東初公分巡時恩敷於遼遼人悅之時總兵都督毛倫挾瑾氣勢轄貢弗為意故事都御史當坐其左竟坐之倫多不法事為裁抑深銜之密嗾瑾害公瑾以他事罰貢米五百石迫致任貢喜曰今日皇甫規得與黨人同列矣丈夫不當如是邪即日歸瑾伏誅詔起貢巡撫順天整飭兵備是時軍民虐于瑾者率起為盜殺官劫庫其勢孔猖貢獲渠魁斬之賊遂南奔陞兵部右侍郎卒贈資善大夫南尚書京工部

李堂

字時升鄞人成化丁未進士授工部主事監稅蕪湖中官宋昂怙巨璫李廣勢張甚沮過商人堂力尼之減商稅嚴計簿不貸絲髮昂蠹獮無地銜之歷應天府丞會歲饑盜發訛言沸騰堂

單騎諭衆咸感泣歸命乃執其渠魁以徇協從者慰遣歸農四境帖然陞南京光祿寺卿改僉都御史提督操江陞工部右侍郎督修京倉事竣汴徐河患告急勅兼左僉都御史總督修濬而鎮守河南太監廖紀即廖堂弟也以堂提遏嚴忤患媒孽堂遂謝病以歸家居十餘年閉門纂述有正學類編四明文獻志堇山遺稿若干卷梓行時

李文祥

字天瑞麻城人成化丁未進士孝宗即位上永保天命疏觸忌諱謫陝西咸寧丞數月即

召還擢職方司主事居十八日中書舍人吉人言事下獄復被媒孽成狀下司寇議罪文祥毅然誣狀不辭復寃滇南衛經歷文祥至立均差法招寨長申斷場禁久而安之提察副使吳公檄兼學事都御史鄧廷瓚奉命征南苗浥兵略大奇其才以憲職薦尋以齋表入覲京師疏兩

上告歸不許即南還省母大雪中行數百里至商城曲渡水隕陷焉士論惜之

**李浩**

字師道曲沃人成化甲辰進士歷尚書謚莊簡

**李介**

字守貞高密人成化己丑進士歷侍郎

**李孟暘**

字時雍睢州人成化壬辰進士歷尚書

**李鏐**

字時器陽陰人成化壬辰進士歷尚書謚恭敏

**李熙**

字師文上元人弘治丙辰進士任將樂知縣拜南京監察御史事多執法鄉里有不悅者熙曰

朝廷與鄉里孰重邪逆瑾擅政以言事械繫于京被重刑落職歸又以劾二府貪吏瑾復行南

京廷杖三十幾死南京禁衛人不刑為熙選卒習杖數日熙在府獄人為之憂恐熙作外舅壽

頌數百言人見之歎服不已嘉靖初詔起為饒州知府轉浙江按察副使卒于官

李瓚

字宗器濮州人弘治間登進士授刑部主事陞通政司叅議以不屈劉瑾降饒州通判陞江西

僉事累官都御史整飭薊州等處邊備兼巡撫順天保定等府地方提督紫荆等關經略東西

二路築長蛇堡城募兵設監勞績著聞賜白金文綺進尚書請歸老卒諭祭營葬贈太子太保

李嘉祥

貴池人丙辰進士弘治十年任後擢南京戶部員外郎卒舊志稱其公勤明敏民吏畏服

嚴於勸課士習玉變毀淫祠佛寺慶嘗及見之祥形不踰中人天才振發見事風生慨然有凌

駕三代之志屏奸剪弊動中機會莫可測度人視之如雷電鬼神云至於感時事而陳利害辭

情慷慨聽者改容嘗具疏語侵權官人皆危之而公自若也使士風日趨雅道民俗日有生氣

自國初以還一人而已嗚呼可謂雄刺史哉正德丁丑同知潘墳入嘉祥於名宦祠

李伸

字道甫三原人進士為監察御史按江西能預防宸濠奸擢守嘉興以道自重言笑不苟對吏

民不怒而威有大豪侵官錢事覺在繫奸利益甚伸廉得之令并收其子聞膽破嘔綠汁死有殺兄謀奪其官者不具輸狀伸一訊遂服於是奸惡束手貴勢無敢以私撓之每從學士弟子講學相詰難至忘等威及遇事無假毛髮舉措因民不干聲譽中和之政獨推伸焉伸去郡餘三十年士民頌思如一日

李時

字宗易任丘人弘治壬戌進士歷少師太子太師華蓋殿大學士

李鉞

字度甫祥符人弘治丙辰進士歷尚書謚康簡

李香

字汝蘭分宜人正德辛巳進士歷官都御史

李濂

字川父祥符人人稱大梁才子正德癸酉省試第一甲戌舉進士歷官按察司僉事嘉靖丙戌免歸年纔三十有八歸後二十年有春遊稟一冊傳于士林詩文俱率意走筆不事煅煉有古

朴風

李夢陽

字獻吉慶陽人從父寓大梁年十八舉鄉試第一弘治癸丑進士授戶部主事歷郎中代

草劾瑾逮下詔獄罷歸復起為江西提學副使致仕卒子枝善文賦有父風舉進士夢陽為人氣高節挺孤立峻視不能少縮下時依貴人又如鳳矯龍變人罔不知其為祥亦罔不駭其異故再罹奇禍坎壈終其身世咸疾之如讐袁公獻實曰余嘗使大梁見李公雙瞳炯炯如電論



古今終夜不少休噫斯人也豈世俗所能容哉

李承勛

字立卿嘉魚人弘治癸丑進士授太湖縣知縣仕至兵部尚書卒贈少保謚康惠承勛學

有源委才無枝柱提兵南征曉暢軍務通達國體議論英發潔廉自守家無餘貲

李廷相

字夢弼瓚子弘治壬戌進士第三歷禮部尚書謚文敏

李默

字時言建寧人正德辛巳進士歷官吏部尚書為趙文華構陷斃于獄

李紹賢

字崇德江西人進士授行人諫武宗南巡友人勸之李曰匹夫之志不可奪也時與舒芬

等同疏入廷杖死紹賢不移家惟僕二人舒芬裹瘡往歛為作紹賢志

李憲卿

字廉甫崑山人嘉靖進士授南京吏部主事歷都御史開府江陵採辦大木屢疏興工罷

採以蘇荆蜀故地窮邊裔  
而民不告勞人以爲難

李一瀚

字源甫僊居人嘉靖戊戌進士歷都御史歷官以清謹稱

李攀龍

字于鱗歷城人嘉靖甲辰進士性侃直不屑依阿爲刑部郎守順德有政績提學陝西督撫

中丞以檄致于鱗使屬文于鱗不憚曰副使而屬提學非而屬也且文可檄致邪遂告病歸隆慶初起浙江副使歷參政河南按察使以母喪哀毀病因卒爲郎時與一時名流王元美宗子相吳明卿徐子與梁公實輩日相與上下其談論博綜羣籍撫華投英詩逼盛唐文追西漢識者評曰律至仲默而暢獻吉而大于鱗而高其信哉

李文麟

字禎叔無錫人嘉靖甲辰進士今諸暨報南京兵部主事以郎中書考卒于家平生詩酒

自娛其大較也官  
政家事皆非所急

李時行

字少偕號青霞番禺人嘉靖辛丑進士出宰  
嘉興晉南京兵部主事以事已官遂不復有

歸志徧遊吳越齊魯諸名山所至寄情  
詩酒蓋落落世故若無所嬰於中者

李士駒

字如翰長山人由進士嘉靖中知荊州府性  
清介政多平恕斷獄明允不說隨希寵調知

承天時慈宮南府供應浩繁駒區畫有方民不  
為擾歲饑多方賑恤民驛死疫癘捐俸營地葬  
之比遷秩行李蕭然士民  
感仰歷官至戶部尚書

李舜臣

字懋欽一字夢虞樂安人癸未會試第一年  
方弱冠長身玉立文雅器度甚偉白巖喬公

為吏部方以耆宿獎勵後進一見嗟異以台輔  
期之調吏部文選司主事轉員外郎出為江西

提學僉事陞南京國子司業進太僕寺卿性簡重慎詳居家儉素不樂紛華讀經謂漢儒註疏去古未遠其言足據復用六書正其舛訛為文力浣脂澤專崇風味盡刊枝葉獨臻妙約章丘李伯華以書遺之曰公文盡去皮肉畢竟如伏羲六畫已乎然文人獨詣反約為難我朝文章

家自一名品也  
有戶部符臺集

李瀚

字叔淵沁水人成化辛丑進士歷官尚書

李一元

字調卿建德人嘉靖丁未進士歷官南京刑部侍郎

李遂

字邦良豐城人嘉靖丙戌進士歷南京兵部尚書謚襄敏

李璣

字邦在豐城人嘉靖乙未進士歷官尚書

李玉顯

字憲文長樂人嘉靖乙未進士歷官都御史

萬姓統譜卷七十三

欽定四庫全書

萬姓統譜卷七十四

明 凌迪知 撰

上聲

四紙

史

京兆徵音周太王史佚之後以官為氏又望出宣城武昌

周史鮑

字子魚衛人仕為大夫靈公不用蘧伯玉而任彌子瑕史魚驟諫不從病將卒命其子曰吾生

不能正君死無以成禮置屍牖下靈公往弔怪而問焉其子以父言告之公愕然曰寡人之過也於是進伯玉而退子瑕孔子聞之曰直哉既死猶以屍諫

史起

魏人為鄴令引漳水溉鄴以富河內民歌之曰鄴有賢令今為史公決漳水兮灌鄴旁終古陂

鹵兮生

稻梁

史疾

楚考烈時史疾為韓使楚楚王問曰客何方所循曰治列于園寇之言曰何貴正王曰正亦可

為國乎曰可楚國多盜正可以園盜乎曰可曰以正園盜奈何頃間有鵲止于屋上者曰請問楚人謂之何王曰謂之鵲謂之鳥可乎曰不可今王之國有柱國令尹司馬典令其任官置吏必曰廉潔勝任今盜賊公行而弗能禁也此鳥不為鳥鵲不為鵲也

史舍

齊人謀鄭不廢公叔

史黯

左傳季武子曰晉未可喻也有趙孟以為大夫有史黯師曠而咨度焉其多君子也又吳王曰

史黠何以得為君子趙孟曰進不見惡退無謗言王曰宜哉

史墨

魯大夫斷作刑

史蘇

晉人文公時太史嘗諫獻公伐驪戎既伐克之曰晉以男戎勝戎戎以女戎勝晉

史籀

周宣王時太史又曰秦時下士變鳥跡為大篆李斯變為小篆

漢

史崇

字伯勤東漢杜陵人建武中累官青冀二州刺史封溧陽縣侯天下既平詔遣公侯皆就封崇

治尚寬簡不威而化卒諡壯侯子孫因家溧陽

史茅

溧陽人溧陽侯崇之孫也元初三年襲爵除尚書遷侍中轉鎮西將軍雍州牧宰治得宜寬猛

相濟時人德之子洽洽子澤澤子鉉世襲侯封皆有名



史丹

字君仲魯人徙杜陵以父陰為駙馬都尉侍中詔護太子家元帝寢疾欲易太子丹直入臥內伏青蒲上涕泣固諫太子得

不易及即位封丹關內侯

史恭

有女弟漢武時為衛太子良娣生史皇孫皇孫生宣帝帝微時依倚史氏及即位恭已死三子皆以外屬舊恩受封長子高樂陵侯次子曾將陵侯少子玄平臺侯

史通平

光武時自會稽來蜀詣我眉山謁天皇真人授以三一之法及五符訣遂居青神縣地置茅廬煉大丹龍虎成形餌之又廣行陰德功滿白日昇天

史叔賓

陳留人少有威名郭林宗見而告人曰牆高基下雖得必失後果以阿枉敗名

史弼

字公謙考城人父敞順帝時以佞辨至尚書郡守弼少篤學聚徒數百仕州郡辟公府遷北軍

中 侯

三 史嵩

崇裔孫仕吳為平越中郎將蒼梧鬱林太守封撫陵侯族人懿亦仕為征南將軍隴西太守韶

為交州屬國都尉封陽羨侯

晉 史光

崇裔孫仕為中書侍郎遷侍中子雅陳留太守又有曰爽者累官至五兵尚書曰憲者累官建

安太守封山陰縣侯曰諒者為瑯琊王府主簿以討蘇峻功封常安侯皆崇之裔也

史萬歲

杜陵人善騎射好讀兵書隋平萬歲為行軍總管踰嶺越海攻破溪洞遷拜左領軍將軍

隋 史憲誠

隴州刺史增置亭障徙客館於外戎譟無所伺

唐 史務滋

溧陽人累官司賓卿天寶初進拜納言武后詔務滋等十人分行天下後與來俊臣蘇治

反獄為俊臣  
所誣自殺

史德義

崑山人咸寧初隱居武丘山以琴書自適或騎牛帶瓢出入郊郭東市號為逸人高宗聞

其名召赴洛  
陽稱疾歸

史敬奉

靈州人為朔方軍牙將元和中吐蕃數犯塞敬奉白節度使請兵三千深入虜地由間道

史青

零陵人博聞強記開元初自薦云聞曹子建七步成章陛下若試臣願五步之內可奉明詔日

試萬言臣願足矣明皇試以除夜上元等詩除夜詩云今歲今宵盡明年明日來寒隨一夜去春逐五更回氣色空中改容顏暗裏催風光人不覺已入後園梅明皇大稱賞授左監門衛將

軍

史憲忠

字元貞會昌中築三原城吐蕃因之數犯邊拜憲忠涇原節度使以怖其侵吐蕃竟服官

至尚書  
大將軍

史維則

字天問吳人工八分飛白二篆在唐以八分名家者四人韓擇木蔡有鄰李潮與維則也

歷翰林學士弟  
懷則亦工書

史寧

字永和少以軍功加旌節征東將軍突厥憚之曰此中國神智人也

史謙恕

果州刺史百姓歌之曰使君來何晚昔日無儲今有飯

五代史長

零陵人善屬文吳王恪鎮宋州辟為判官謂長曰逆寇未殄君有濟物才若垂顧黎元有望矣

甚嘉其意乃應召多  
所裨贊境內肅然

史建塘

鴈門人仕晉常為先鋒破敵有功累官至檢校左僕射歷貝相二州刺史子匡翰好讀書

沈毅有謀接下有禮  
仕至義成軍節度使

史公銖

南唐袁州刺史廉明直幹民皆安堵時稱為文武刺史

史彥超

雲中人後周為虎捷都指揮使與敵戰陷陣先登以功拜感德軍節度使後以戰沒

史虛白

字畏名北海人世業儒五代唐晉間中原多故卜居潯陽以詩酒自娛南唐時韓熙載薦

之元宗召至使殿訪以國事辭曰漁釣之人安知邦國大計因賜田遣歸有古溪集行于世

史圭

後唐時為直學士時宰相安重誨不知書倚圭以備顧問許令升殿侍立學士升殿自主始

史弘肇

仕後晉典宿衛嘗曰安朝廷定禍亂直須長鎗大劍若毛錐子安足用哉

宋史吉

延州指揮使夏人入寇寨主押監引兵欲匿山中俟賊去復歸吉曰如城中百姓芻糧何吉不敢從寨主押監慚懼而返卒以完城

史聲

沿海人元祐間以進士登顯官始家貧母先卒侍父自養不給惟蘆鹽糜粥而已日夜讀書每書暇樵採以給父養自食麤糲恒不飽及登第有厚祿迎親就養至中途遇疾卒聞訃即哭不絕聲不顧家屬罄身日夜奔赴四日乃至父喪哀慟幾絕扶柩還家寢苦枕塊及葬結廬墓左日為包土培塿墓後成一壘如山吊者惟以觸地叩哀未嘗與人談笑

史抗

濟源人宣和末為代州沿邊安撫副使金人圍代急抗夜呼二子稽古稽哲曰吾昔語用事者

鴈門宜擇帥增戍彼皆不吾省今城必陷吾將死事汝輩亦勿以妻子為念而負國也二子泣

曰唯命明日城破父

子三人突圍力戰死

史徽

字洵美鹽官人勤苦力學登崇寧五年進士第累遷太常博士時享太廟以官者押登徽建議

罷之進戶部郎官出為京西運判徽宗罷西城所徽悉焚其租籍進右司郎中以疾致仕高宗

即位復起為司農少卿建炎初與黃鰲扈駕至江口俱遇害後特贈左太中大夫右文殿修撰

子龜年均年岑年龜年岑年官至員外郎均年與龜年子躡等亦皆入仕

史祺孫

字大年安吉人政和間登第以刑部郎官出典贛興國二郡初秦檜謀誅岳飛命祺孫龜

索其家交游書劄祺孫悉焚其書曰誣人以求榮吾不忍為也遂引年而歸

史經

眉山人博學能文其思子臺賦上援秦皇下逮晉惠反覆哀切有補於世舉賢良不第卒于家弟沆舉進士子凝官至著作郎

史詔

字升之鄞人父冀國公簡頎秀豐下少有立志嘗與豐清敏舒中丞受業於鄉先生樓郁以孝行聞遇大比輒引避嘗曰無母氏之節已無史氏矣誓終身母子不相離大觀二年詔舉八行鄉人以詔應命遂與母避于縣東大田山郡守迹所往迫使就道誓不起鄉人稱為八行先生後孫浩貴累贈太師越國公

史浩

字真翁鄞縣人紹興中進士累官至丞相薦用人材不以私害公卒贈會稽郡王謚文惠子彌遠淳熙中進士累官至太師左丞相兼樞密使卒謚忠獻封衛王



史彌大

浩子乾道中進士累官禮部侍郎浩在相位彌大勸其引退浩主和彌大主戰守父子異

議所著有  
朴語數篇

史炤

眉山父清卿蘇軾兄弟以師事之炤博古能文嘗作通鑑釋文三十卷

史通

青神人少與兄珣以文學知名歷官通州尉盤石令有古循吏風嘗著易書乾坤別解詩書義

論語孟子又進世要機  
務十卷芻蕘策十卷

史彌堅

字固叔忠定公幼子少警敏端靜忠定奇之後以軍器監尹臨安韓侂胄敗兄彌遠入相

以嫌出為潭州湖南安撫使平湖寇羅孟傳守建寧行義倉法真文忠公紀其政績以兄久相位數勸歸不聽遂食祠祿于家凡十有六年後以資政殿學士光祿大夫卒謚忠宣吳泳行誅

云在熙寧則不黨於熙寧如安國之於安石在元祐則不趨於元祐如大臨之於大防論者以

為不誣

史次秦

眉山入舉進士為大安軍教授吳曦之叛招次秦甚遽次秦以石灰桐油塗目末生附子

傳之比至目腫母命家人詐以訃聞乃聽還後改利州主管文字仕至合州太守

史扶

瀘州人能詩有瀘南詩卷行于世

史寅仲

鄱陽人以進士拜朝散郎知化州洞蠻負固督軍捕之沒於戰贈朝散大夫

史子申

南溪人辨博文雅開禧初進士南溪登第者由子申始鄉人謂之破天荒後知瀘州合江

縣攝西路  
提點刑獄

欽定四庫全書

卷七十四

史泳

字目亨饒雙峯門人李寔曰史泳問答出入微妙學者尊之為水東先生

史本

性至孝父沒廬墓悲慕芝草生後舉進士試易經寧宗閱卷批云史本易義可為令式答策尤

嘉江南真秀才歷仕至奉直大夫居官廉潔時稱孝廉

史彌鞏

字南叔彌大從弟好學強記嘉定中進士累官提點江東刑獄歲大旱活飢民百餘萬後

知婺州卒年八十真德秀嘗稱其皦然不污五子長眉之刑部郎官能之有之胃之俱進士有

之子蒙卿咸淳進士

史彌宇

字清叔文忠公從子寧宗時知武岡軍始行鄉飲酒禮于學宮

史嵩之

字子田浩孫嘉定間進士有將才累官右丞相兼樞密都督江淮京湖四川軍馬薦士三

十有二人其後董槐吳潛皆號賢相後授  
觀文殿大學士卒贈少師追封魯國公

### 史用之

眉山山人出處未詳崇德廟碑文乃其所撰有  
云予入雞豚社祀史以記請遂為之作其文

立論純正典則又表壽鳳山之麓有石刻讀處  
二大字傍識云端平二年鶴山赴召過樂溫為

史子作其  
賢可知矣

### 史蒙卿

咸淳元年進士調官江陰軍教授蒙卿為學  
淹博著書立言一以朱熹為法寓居臨海志

高行卓有清靜集及  
小學紺珠行于世

### 史能之

咸淳中知常州不數月州治清理博  
浮費以濬河三百餘里民賴其利

### 史雋之

紹定初知江陰軍三年冬李全梟鳴蟻聚恣  
為陸梁直抵海陵江陰控帶長江聯淮接海

當要害雋之下車踰月請兵分屯以廣聲勢援報可調殿司禁旅千五百人來戍制閫兼資叅決列將仍稟節制雋之乃約軍數割隊伍度地宜砌堡柵峙糧糗備器具士咸感奮廂禁兩軍上兵弓級與夫屬縣民兵莫不增氣合中外之兵其數及萬軍整民安秋毫無擾鄉飲酒禮時俗視為隆典雋之究古德意能推行之燕席序登環觀歎息君子謂其有補風化甚大

史岩之

字子尹鄆人紹定間進士歷朝奉郎以將作監丞兼知真州權淮南運判冠犯儀真岩之

率衆捍之訖以無恐遷大理丞兼知揚州權淮南運判

元  
史天倪

永清人少好學仕至兵馬都元帥每受命征伐皆不戰而克子楫為真定路總管有善政

民皆德之季子權為河南宣撫使累陳征南之策世祖壯之

史天祥

天倪從兄仕世祖朝累官副都元帥每征伐不嗜殺人憂國憂民之心老而不忘子彬為

江東提刑  
按察副使

史天澤

天倪弟累官光祿大夫右丞相平居若無能為者及臨大節論大事毅然以天下之重自

任出入將相踰五十年主上不疑下民無怨人  
以方郭子儀曹彬云子格棹杖扛杞梓構皆拜  
官顯

史公珽

字揖史鄆人丰姿秀爽詞氣溫恭早志于學通諸經子史尤邃於易延祐間詔郡守舉行

堂試法公珽方弱冠屢占前列家居教授生徒  
務底於成程端學薦于甬東書院主奉即棄去  
遊西州陶寫性情論宋李臺閭故事疊疊終日  
及忠臣義士死節者必慷慨流涕廣平李克民

七喪不舉公疑解囊中半賙之且為著哀詞告其常所往還者自號蓬廬處士所著有蓬廬藁易演義及象數發揮若干卷

史弼

蘇州博野人曾祖彬率衆歸元弼通國語脅力絕人從攻宋樊襄至陽羅堡率衆先登南岸論功第一累官黃州等路宣慰使徙浙西淮東遷福建行省平章政事封鄂國公

史彥斌

邳州人嗜學有孝行至正中河溢鄰邑墓多壞彥斌母卒葬時嘗為厚棺刻銘其上及墓為水漂彥斌縛草人浮水中仰天呼曰母棺不知其處願天矜憐假此留靈指示所在乃乘舟隨草人所之行三百里果得母柩歸葬

史序

字正倫京兆人善相步歷算太平興國中歷知天文監丞太子洗馬修儀天歷又嘗纂天文歷

書為十

二卷

史楫

字大濟為征南萬戶徇地斬黃世祖中統元年授真定路總管同判本道宣撫司真定表山帶

河連屬三十餘城生殺進退咸倚專決楫謹身率先明政化信賞罰任賢良汰貪墨恤犴獨民咸德之所舉州縣佐史有文學者三十餘人後皆知名會叔父天澤言兵民之柄不可併居一門行之請自臣家始楫即日解綬歸

史珪

光州刺史會歲饑淮蔡民流入州境珪不待聞即開倉減價以糴所全活甚眾吏民詣闕請植

碑頌德

者數百

史伯璿

字文璣平陽人自幼嗜學強記博通經史及諸子百家之說著管窺外編論諸經史天文地



理古今制度名物為學者傳誦人勸之仕則曰讀書本以善身為仕而學非吾志也遂隱居不仕

明

史仲成

安化人洪武中以國子生為監察御史擢山東按察僉事改廣西桂林府同知永樂初為

右僉都御史

史成祖

解州人洪武間汶上知縣守已廉公勤于撫字興學校勵風俗由是政清訟簡民繁土關

累以秩滿民輒奏留永樂中賜勅褒之資以上尊織金紗衣楮幣在任四十八年政聲益著壽

百十五歲汶人立祠祀之

史諫

平鄉人弟誼俱孝友母嘗病革諫誼夜顯于天欲以身代俄而母愈後諫授官之任過家遇父

疾親嘗湯藥父卒兄弟廬塚上三年近塚水多  
鹹諫誼扶木卜祝之隨木所向掘之果得甘泉

人皆  
奇之

## 史五常

內黃人父萱洪武間任廣東按察司僉事秩  
滿將行病卒時五常甫七歲力不能扶柩還

家其母諭五常曰汝父殮時有大錢置柩中汝  
謹識之俟汝長尋訪歸葬五常事母至孝不去  
左右及母死乃入廣中求父櫬歲久迷失所在  
五常旦夕號泣籲天見者無不流涕已而梟司  
諸寮聞之命所司物色竟獲骸骨并大錢如母  
言遂以禮殮殯官給舟車歸葬祖塋去其父沒  
時垂五十載矣後廬墓三  
年正統間有司以聞旌表

## 史公謹

洪武間以伍符發赴滇已而用薦為理士應  
天又調丞湘陰節藥甚高善為詩而尤工繪

事

史叔安

烏程人洪武初徵為太僕卿

史志可

寧波人洪武間知浦城縣以公恕存心以寬和為政刑罰不施奸弊屏息尤以興學禮士

為意

史遷

字良臣金壇人篤學慎行元末隱居教授國初屢徵起知蒲城遷嚴州所至以治稱工于詩所

著有青吟集行于世

史萬里

名鵬以字行長興人行廉介狀偉能書尤善弓馬洪武初為帥府幕僚後以人材薦為邵

州知州吏部郎中

史安

豐城人永樂進士任禮部郎中時交人叛兵部尚書叅贊軍事舉安以自助師行入交趾總戎有驕色安言不聽兵敗安亦被執而死

史克新

永樂中按察司副使剛方有守正直無阿發奸擿伏如神巡歷所部淹滯無遺卒于官聞

者流涕

史怡

樂亭人永樂中以守城有功授戶部郎中累官江西布政司左叅政

史中

德化人由監生永樂中任衡州府通判守法治民不畏強勢尋陞本府知府時有中官貪橫舟經其地中搜詰密奏於朝上命戮之朝野驚服後轉陝西左叅政致仕卒于家

史常

字元亨溧陽人永樂乙未進士歷知府

史敏

字德敏淮安人正統乙未進士歷參政

史瓘

字德輝山陰人景泰甲戌進士歷副使

史珍

字廷玉德化人中之子也景泰甲戌進士任直隸宿遷知縣有父風烈節費愛民不畏權勢以此獲咎當道轉陞鎮江府通判晚節益堅未幾解綬而歸士論重之

史暉

丘縣人性敏捷好讀書不問寒暑持身不苟臨事以義為質鄉人以勤學慎行與之歷官河南

按察司副使民無冤獄時稱廉明云

史立模

餘姚人進士由給事中謫通判陞本府同知立模治府事政尚威嚴釐正風弊以法繩豪

武不得逞歲蝗命捕之以米斛易蝗一斗蝗遂盡遞馬差因設四季馬甲法以節逸勞著為令

所至登眺見之詩賦亦感慨踴厲陞惠州知府

史學

字文鑑成化丁丑進士歷叅政

史琳

字天瑞餘姚人成化丙戌進士歷都御史

史後

字翼仲溧陽人弘治丙辰進士

史鑑

字明古吳江人博學好古行誼表表隱逸不出公卿大夫頗重之有所論議疊疊不倦頗亦愷

激聽者為傾有縱橫才吳文定公表其墓曰世有行古執禮如斯人者乎有才之達論之正如斯人者乎亦有剛毅好義高曠絕俗如斯人者乎

史立誠

字克明鄞縣人正德辛未進士歷郎中

史于光

字仲裕晉江人正德丁丑進士歷給事中

史道

字克弘涿州人正德丁丑進士歷兵部侍郎贈尚書子直臣嘉靖丁未進士歷山西布政

史梧

字文材莆田人正德辛巳進士歷御史

史闕疑

字子慎涿州人嘉靖丁未進士歷副使

史褒善

字文直開州人嘉靖壬辰進士歷操江都御史

史際

字恭甫溧陽人嘉靖壬辰進士歷郎中致仕後以禦倭功歷陞太僕寺卿致仕為人爽愷豪宕

好善樂施頗有孟嘗之風

史朝賓

字應之晉江人嘉靖丁未進士任刑部郎中楊繼盛遭誣死于西市賓獨為收斂設位以

哭降通判隆慶初歷鴻臚寺卿朝宜歷布政朝  
富歷知府俱癸丑進士朝霖丙辰進士歷戶部  
主事朝鉉隆慶戊辰進士歷知府朝  
錄萬歷丁丑進士一門科第之盛

紀

平陽  
天水

徵音炎帝之後封于紀以國為氏又望出高陽

周紀昌

學射于飛衛曰視小如大視微如著而後告我  
昌以鼂垂虱于牖間南面而望之寢大三年如  
車輪焉射之貫虱  
之心而垂不絕

紀烈繻

左傳  
大夫

漢紀信

事漢王為將軍項羽攻滎陽急自請乘漢王車  
黃屋左纛以誑楚漢王間出後立廟于順慶曰

忠祐詰詞云以忠徇國代君任患實開漢  
業使後世知君為重身為輕侯何有焉



紀成

信弟封襄中侯

三國紀蔣

中書令

紀亮

丹陽人與子騭俱仕吳亮為尚書令騭為中書令每朝會以雲母屏風隔坐

晉紀瞻

字思遠丹陽秣陵人少以直方知名後舉秀才太安中拜尚書郎與顧榮同赴洛陽後拜侍中

轉尚書右僕射瞻好讀書或手自抄寫才兼文武忠亮雅正明帝稱為社稷臣

紀睦

咸和間鄱陽太守有討賊功

紀少喻

字幼陽丹陽秣陵人早孤有志節年十三能屬文嘗夢得青鏤管筆其文因此邁勁王僧

孺見而

賞之

紀艷

選曹尚書

唐紀明

吳人嘗授秘訣于隱士周廣觀人顏色便知疾深淺不待候診

五代紀僧珍

任齊武帝恩倖無比請曰臣小人出自武吏榮階至此為兒婚得荀昭光女惟就陛下乞

作士矣

宋紀瑛

紀元規

登科

紀交

字聖錫丹陽人大觀進士歷兵部尚書

明紀諄

東安人洪武中由太學生擢監察御史持法敢為永樂初陞山東按察使致仕

紀著

開州人博學明經洪武中初任本州訓導後歷官有能聲官至右僉都御史

紀正

溫泉人洪武中任廣東副使

紀清

含山人洪武初以從征功授濟陽衛指揮克效勤勞永樂初以靖難功進陞右軍都督僉事

紀宗德

鄭人博洽經史下筆輒成章弱冠教授里閭嚴立條約而以身先之諸生莫不欽服有顯

名者孝養二親待己敬而與人忠論者以篤行稱之尤習國家典故永樂中與修郡邑通志精敏先於諸生性不樂仕進嘗徵至京陞對稱旨欲授以職固辭不拜後屢辟不起與門人陳孟顯輩日從賦詠一切世俗紛華泊如也

紀賢

字若愚任丘人性至孝少孤常窘乏不能存竭力事母顧氏至勞瘁有弗辭者弟四人呱呱仰

給維持哺鞠以至成立且嚴毅方正雖一錢尺帛不私妻子每日必視母寢定然後就室著家範數十條率諸弟以大義終其世同業者五十餘人咸化其德母病篤憂瘁迫忽夢人語之必得清眉濟水飲之始愈人以為孝感所致先母卒屬其子曰葬吾必傍吾母壽域以畢吾廬墓之志著有讀史詠情諸集

紀鏞

潁上縣人舉成化丁未進士以學行推授翰林院檢討遷衡府長史時衡王未之國多所輔益

以疾卒  
于京

紀經綸

字文涇蘭陽人成化甲辰進士歷知府

紀資

字廷言任丘人嘉靖癸未進士歷副使

紀繡

字思綱利津人嘉靖丙戌進士歷副使

紀常

字元正文安人嘉靖丙戌進士歷布政子紀誠已未進士任副使孫大章乙丑進士任給事中

紀璿

字天儀薊州人嘉靖丁未進士歷郎中

紀濂

字清之烏程人嘉靖丙午舉人知光州有善政歷刑部員外郎濂為人敦實自持不為勢惕不

為利誘人咸稱之

士

河南陶唐之苗裔士為之後為士氏

周士為

晉人獻公時為大夫初桓莊之族偪獻公患之士為謀去其富子盡除游士之族勸申生為吳

太伯為申生夷吾築城不謹退而賦曰一國三公吾誰適從

士會

為子事文公襄公會邑于隨亦稱隨季城濮之戰幼而與謀靈公時為大夫景公時將中軍王室亂士會平之歸而講求典禮以修晉國之法乃老卒諡武子

士燮

會子代會為上軍佐敗齊師于鞏聘魯請伐鄭魯賂之不受厲公驕燮知難作不欲與楚戰曰外寧必有內憂使祝宗祈死曰使我速死無及于難六月死冬果難作諡曰文號范文子弟魴事悼公為卿卒諡曰貞魴子弱仕為大夫

士雅

左傳秦使使乞師于楚

士匄

變之子厲公時嗣父職悼公立以為卿聘魯拜彤弓之賦使將中軍讓于荀偃而佐之故其下皆讓後代偃執事卒諡曰宣號范宣子

士鞅

句于晉悼公伐秦鞅與欒黶之弟鍼馳秦師鍼死而鞅返黶欲殺之鞅遂奔秦秦景公問鞅晉大夫其誰先亡對曰其欒氏乎後景公以其知言為請于晉而復之平公立以鞅為卿卒諡獻子

士彌牟

彌牟告韓宣子使毋執季昭子以與邾人

士莊

魯襄公十年春晉合諸侯會于柵會吳子壽夢也三月癸丑齊高厚相太子光以先合諸侯于鍾離不敬晉士莊子曰高子相太子以會諸侯將社稷是衛而皆不敬棄社稷也其將不免乎

士慶

楚大夫初共王蒞政荒于聲色將三年未出令士慶諫曰隱有大鳥來止南山之陽三年不蜚不鳴何也王曰不蜚以長羽翼不鳴以觀羣臣之隱士慶曰所願聞已王悅授之相中庶子跪

而泣曰臣尚衣冠三十年矣王賜士慶而不賜臣何也王曰子與寡人言內不及國外不及諸侯可富不可貴也于是出其實玉而賜之曰忠信者士之行言語者士之路也

**士亶**

楚大夫也莊王使亶傅太子箴辭曰臣不才無能益焉王曰賴子之善善之也對曰夫善在太子太子欲善善人將至若不欲善則不善人將至故堯有丹朱舜有商均啟有五觀湯有太甲文王有管蔡是五王者皆元德也而有姦子夫豈不欲其善不能故也王卒使傅之

漢  
**士燮**

字咸彥廣信人父賜桓帝時日南太守燮治左氏春秋建安中舉茂才遷交趾太守達於從政謙虛下士時天下喪亂中國士人往依者以百數在郡四十餘歲卒年九十

**士武**

蒼梧人南海太守



士顯

徐聞令

士壹

變弟辟為司徒掾黃琬甚器重之董卓作亂交州刺史朱符為夷賊所殺變表壹領合浦太守

壹弟鮪為九真太守武為南海太守兄弟四人並居列郡威鎮百蠻

三士

欽變子任吳為武昌太守自賜至欽父子兄弟並威名著聞南土出入車騎滿道夷人夾轂焚香

者嘗數千人

晉

士仁

守公安將軍

士猗

殿中丞

南士瞻

功曹

宋

士建中

尚書郎

明

士明善

字復初清河人永樂初鄉舉自幼敏篤好學不倦至忘寢食嘗牧牛野外且行且讀既成

誦揜卷置樹上向樹一長揖默誦以自課試吾伊之聲響林表往往忘其牛或逸去蹊人之田竟不悟田主將毆之多以其挾策而止及長娶妻李氏因誤失火室廬悉遭煨燼其母怒出其婦亦不敢有難色故躬自養親遂以孝聞後司訓平谷歷西安府通判明善遵疾沈痼其弟行二者友愛篤至跃千里往視晝夜不離側數月明善疾得愈弟憂勞成疾卒因傷其弟哀慟不

置已而疾作亦

卒鄉人兩賢之

綺

音擬

四皓隱商山號綺里季其後為綺氏

漢綺嵩

楚人

綺華

杞

姬姓夏禹之後封於杞以國為氏望出齊郡

周杞梁

名殖與華周俱齊人仕為大夫莊公伐莒為車五乘之賓而梁周不與焉歸而不食其母曰汝生而有義死而有名則五乘之兵盡汝下也趨食乃行至莒二人出鬪獲甲首三百莊公曰子止與子同齊國梁曰君不使梁與五乘是少吾勇也臨敵止我以利是污吾行也深入多殺臣之事也齊國之利非吾所知也杞梁與華周遂進鬪而死其妻聞而哭之城為之崩

漢杞康

中大夫漢末時避董卓難改姓抱

宋杞開奉議人建炎中以朝散郎任蕪湖令

弭

見姓苑出新豐

漢

弭疆

新豐人  
中郎將

弭倬

三輔  
決錄

弭仲叔

新豐人見  
三輔決錄

五代

弭德超

仕周為樞  
密副使

宋

弭忠信

咸平間知  
安遠縣事

元

弭禮

燕山人大德間詔以朝列大夫起家  
拜開州尹能愛恤百姓約束吏卒

明

弭廣

歷城人成化中休寧縣丞

弭官

唐縣人嘉靖中任溧水縣丞

芊

音米秦襄王母芊太后

周

芊嬰

齊人七十子之後著芊子十七篇

漢

芊高

見印數

底

見姓苑

明底縕

字汝章考城人正德進士知安慶府剛直有守蒞政明決終兵部右侍郎右都御史

是

齊大夫之後本氏氏改為氏又是儀本姓氏改為是吳國徵音

三  
國是儀

字子羽北海營陵人本姓氏郡相孔融嘲儀言氏字民無上因改為是後依劉繇避亂江東徙

會稽孫權徵典機密使輔太子太子事先諮詢然後行時典校郎呂壹誣江夏太守刁嘉謗詆國政權怒問同坐人皆怖畏壹並言聞之儀獨言無聞對曰今刀鋸已在臣頸臣何敢為嘉隱自取夷滅為不忠之鬼嘉得免儀不治產業權幸儀舍求視蔬飯親嘗之增俸賜益田宅嘆曰使人盡如是儀安用科法為及寢疾遺令素棺斂以時服

唐  
是光義

天寶初秘書少監著語類十卷

明  
是天祐

江陰人嘉靖中任光澤縣局大使

市  
見姓苑

周市吏

伍子胥亡楚奔至吳乃被髮佯狂跣足塗面乞於市市人觀國有識者翌日吳市吏善相者見

之曰吾之相人久矣未嘗見斯人也非異國之亡臣乎乃白吳王僚具陳其狀王宣召之王僚曰與之俱入公子光聞之私喜曰吾聞楚殺忠臣伍奢其子子胥勇而且智彼必復父之仇來入於吳陰欲養之市吏於是與子胥俱入見王王僚怪其狀偉身長一丈腰大十圍眉間一尺復者王曰賢人也

漢

市佩

淮南王中郎

明

市朝

非研人宣德中龍虎衛經歷

已

昆吾之後黃帝十四子之一也

漢

已茂

太常卿

倚

楚史倚相之後

漢

倚全

印數

明

倚東周

富平人萬歷間四川通江縣主簿

陝西西安府有倚氏

以

見姓苑

漢

以彤

明

以伯臣

四川巴人宣德中任斷事



蟻

漢

蟻逢

印

喜

見姓苑

喜同

順帝時調南陽城陷見執為賊所殺妻邢氏聞同力戰死帥家僮數人出走遇賊奪賊刀斫之

且罵且前亦見殺一家死者二十餘人

明

喜壽

蒲州人宣德間江西貴溪縣丞

喜寧

正統中太監

喜信

成化間都督征劉千斤有功

直隸唐縣  
有喜氏

里  
本理氏春秋改焉

周里克

晉人獻公時為大夫公使太子申生伐東山臯落氏克諫曰太子奉冢祀社稷之粢盛以朝夕視

君膳者也故曰冢子帥師非太子之事也

里革

魯宣公夏濫于泗淵里革斷其罟而棄之公聞之曰吾過而里革匡我不亦善乎是良罟也為我得法使有司藏之使吾無忘諗師存侍曰藏罟不如置里革于側之不忘也

里析

鄭人

理

河西咎繇為堯理官子孫遂為理氏

商  
理徵賢人

明  
理劇固安人正統  
中卒以教諭

理英廣西人正德中  
任龍溪縣知縣

軌見姓苑

周  
軌革精歷算傳  
興費孝先

被見姓苑又云音披當作平聲

古  
被衣古今人  
表堯師

周  
被瞻晉大  
夫

被離

漢

被條

牂牁太守

水

見姓苑

明水甦民

洪武間邵武知縣廉明慈愛為政有方

水潛

臨安人永樂九年舉人

水嶽

鄞縣人宣德舉人

水桓

字廷珪鄞縣人景泰甲戌進士

水秀容

鄞縣人嘉靖中任訓導

水思中

吳江縣人嘉靖辛酉舉人

水之文

鄭人嘉靖己酉舉人任知州

委

周禮有委人其後因氏

漢

委進

太原太守

蘧

牛姓楚蚡冒之後蘧章食邑于蘧因氏韋荈切

周蘧子馮

楚子使為令尹以疾辭方暑闕地下冰而牀馬重繭衣裘鮮食而寢後為令尹有寵者八

人無祿而多馬聞申叔豫言而懼曰吾見申叔夫子所謂生死而骨肉也

蘧罷

字子蕩為楚令尹承君命不忘敬

遠章

遠掩

遠饒

遠射

遠固

司馬

遠啟疆

楚太宰直而能盡諫楚靈以為太宰晉韓宣子如楚送叔向為介楚子曰晉君讐敵也吾

將辱之啓疆諫止之其

言講信修睦悉中禮義

子

鄭國微音殷姓武王封微子啟于宋今子姓皆其後也

周子魚

宋司馬

子囊

楚人將與吳人戰楚兵寡而吳兵衆將軍子囊曰我擊此國必敗辱君虧地忠臣不忍為也不

復於君黜兵而退至於國郟使人復於君曰臣請死君曰子大夫之適也以爲利也而今誠利子大夫毋死子囊曰適者無罪則後世之爲臣者皆入不利之名而效臣適若是則楚國終爲天下弱矣臣請死退而伏劍君曰誠如此請成子大夫之義乃爲桐棺三寸加斧質其上以徇

於國

子蘭

齊人事白公勝勝將爲難乃告子蘭子曰吾將舉大事于國願與子共之子蘭子曰我事子而

與子殺君是助子之不義也畏患而去子是遺子于難也故不與子殺君以成吾義契領于庭

以遂  
吾行

子常

蔡昭侯  
朝楚

子皮

鄭人為鄭大夫知子產賢以政授之宋人得玉以獻辭之或曰實子皮曰子以玉為寶我以不貪為寶若受之喪吾寶矣及卒子產哭之曰吾無與為善矣

子人

鄭大夫

子太叔

鄭人美秀而文熟于典故為鄭大夫繼子產為政不忍猛而寬鄭國多盜取人于萑苻之澤太叔于是興徒兵以攻之盡殺乃止

子鉏商

魯叔孫之軍士見家語



漢

子韋

明文

子頊

印

子奇

齊人年十八為阿邑宰出倉廩以賑貧乏邑內大化

隋

子璽

開皇間為郃州刺史在州數年甚有恩惠後遷江陵總管州人數千詣闕請留文帝嘉歎令還

郃州父老相賀

宋

子元瑜

開封人登科

如

伯鯨之姓鯨為堯崇伯賜姓如氏桀亡祀為如姓之後又云禹母吞薏而生因姓如氏

漢

如豐

王莽將封為章功侯

如庸道

陝州人洪武初知米脂縣為政簡明民咸戴之

如昂

山西人舉人天順中襄陽府通判

祀

見姓苑

明祀淵

洪武進士舒城人

侶

官氏志如亦改為侶又曰後魏渴侯氏改為似

明

侶景

洪武中連東千戶

侶鍾

字大器山東鄆城人成化二年進士除御史巡按浙江民隱官邪無不洞悉嘗曰小民之不得

安于田里者有司之虐政致之也彼賣菜傭何能為哉故其彰瘡所及賊吏望風解印而民間

宴然官至

戶部尚書

仕

見姓苑

明

仕鳳

昌黎人正統中山  
東陽信縣主簿

仕萬倉

涇陽人隆慶中  
成都府經歷

俟

河南見風俗通俟奴氏改為俟氏

周

俟子

六國時  
人著書

南北後魏獻帝

以次弟為俟氏

癸

頸誅切姜姓齊癸公後

宋  
癸仲 知嚴  
州軍

起 見姓苑

宋  
起圮 大中祥符間任  
龍溪縣知縣

明  
起春 鳳陽人宣德中  
任寶坻訓導

起鐘 連州人弘  
治舉人

履 見姓苑

漢  
履中 下邳  
人

始 見姓苑

周始成

秦章邯軍侯

耳

見姓苑今杭州有耳姓

明耳元明

即墨人洪熙中撫州衛知事

耳桓

巴縣人正德中湖廣醴陵知縣

累

音縲黃帝妃西陵氏累祖其後以為氏

周累虎

晉七輿大夫

南累澄

後趙將

紫

見姓苑

宋 紫景望

理宗初年為水州太守明達政理檢核吏姦更置簿書不踰年財賦自裕人戶輸苗稅石

減一斗以寬民力每歲發扛解加二升以優運船又增水腳錢與之

明

紫諫

安仁人嘉靖間什仿縣丞

紫承爵

陝西人萬厯間山西潞州衛指揮

啟

明

啟和

吳川人正統中任霄都訓導

爾

明

爾名

寶砥人正統中任青州府照磨

廊 音底見直音

漢廊林 上郡太守

蔺 音委出自劉累之後杜伯子蔺為晉司空後以為氏

周蔺賈 字伯贏楚大夫楚子玉治兵於蔺終日而畢國老皆賀子文賈尚幼後至不賀曰不知所賀

蔺文獵 賈之子即孫叔敖也傳云蔺教為宰擇楚國之令與相楚莊王以霸三得相不喜三去相

不愠

蔺伯 晉大夫

蔺啟疆 楚人

薦掩

楚司馬

漢

薦勝

見印

紙

後魏書禹後渴侯氏改為紙氏

雉

殷後有雉氏

梓

魯大夫梓慎之後

只

見姓苑

止

見姓苑

矢

見姓苑



漢

見姓苑

闕

音薦國語闕大夫之後氏

寫

音委魯大夫寫氏

使

見姓苑

狸

舜八元李狸之後

企

見姓苑

稚

子姓姓纂云商後見史記

齒

見姓苑

視

見姓苑

音以見直音

飢

音委見直音

飢

音委見直音

蓬

音委見直音

姁

音彼見直音

徐

音你見直音

氏

音是見直音

邱

音底見直音

郇

音底見直音

駸

音軌見直音

駸

音軌見直音

邛

音底見直音

五尾

尾

見姓苑

周  
尾生

魯人  
信士

漢  
尾敦

劉虞故吏虞為公孫瓚所害敦於路劫虞首歸葬之

明  
尾禮

曹縣人弘治中任臨城縣主簿

鬼

見姓苑周有鬼谷先生

鬼臾區

與公孫卿同時見素問

宋

鬼章

南韶將

斐

見姓苑

周  
斐豹

左傳晉人

漢  
斐禹

唐

斐清

大歷間宿  
州刺史

明

斐俊

丹稜人永樂  
中任御史

斐順

洛川人舉人宣德  
中任長沙訓導

斐輝

橫州人宣  
德舉人

斐旻

字士勉崇安人穎敏博學江西金  
事廉介嚴毅風采凜然卒于官

斐應麟

寧州衛人舉人嘉靖  
中任鎮寧縣知縣

斐文

延津人嘉靖中  
任清豐縣教諭

辰

見姓苑

明  
宸昭

解州人永樂中以  
御史調崑山令

宸繡

解州人永  
樂舉人

宸錦

解州人正  
統舉人

偉

見姓苑

漢  
偉璋


光祿  
勳

虺

見姓苑

屍

音尾



萬姓統譜卷七十四

欽定四庫全書

子部

萬姓統譜卷七十五

五至

詳校官中書

臣徐志晉

主事

臣祁韻士覆勘

總校官知縣

臣楊懋珩

校對官中書

臣李

蔡

謄錄監生

臣王貽桂



欽定四庫全書

萬姓統譜卷七十五

明 凌迪知 撰

上聲

六語

呂

河東羽音黃帝姜姓虞夏封呂后失國至周有呂尚復為氏又望出東平

周

呂尚

東海上人其先祖嘗為四嶽有功封于呂尚其苗裔也本姓姜氏從其封姓故曰呂尚號曰太

望公

呂飴甥

晉人惠公時為大夫食采于陰謂之陰飴甥會秦穆公伐晉執惠公飴甥會秦伯盟于王

城遂奉惠

公以歸

呂不韋

陽翟人莊襄公以為相封文信侯作月令集著所聞為十二紀八覽六論合十餘萬言名

曰呂氏春秋懸千金于市能增損一字者與之

呂錡

晉大夫與楚戰于鄢陵錡夢射月中之果射楚共王之目王命養由基兩矢射之一矢中項伏

獲一矢復命

呂相

晉人錡子邲之役佐知武子獲楚公子穀臣與連尹襄老以免子羽鄢之役射共王中目楚使

養由基射死之相事厲公嘗使絕秦悼公時使佐下軍卒諡宣子

漢呂彊

河南成臯人為入清忠奉公靈帝時列封宦者以彊為都鄉侯彊辭讓因上疏陳事言中常侍

曹節等徵寵宜止封賞又詔書于河間  
故國起解讀之館未見其便書奏不省

呂公

單父人也見劉季曰僕聞人多矣無  
如季相有息女願奉箕箒後為后

呂歐

以中涓從高帝攻項  
籍封廣侯謚曰壯

呂澤

單父人呂后兄也將兵守夏邑高帝雖水之敗  
來依澤收兵後項羽兵至乃死之二子台產俱

王封

三國呂乂

字季陽南陽人蜀漢昭烈領荊州牧辟為從事  
入代董允為尚書令衆事無留治身儉約為政

簡靜號

為清能

呂虔

任城人事魏為從事將家兵守湖陵及泰山有  
平敵功且有惠愛遷徐州刺史加威虜將軍

呂範

字子衡汝南細陽人少為縣吏從孫策攻討有功拜裨將軍領彭澤太守遷平南將軍屯柴桑

權都武昌拜範威將軍領丹陽太守治建業終大司馬

呂據

字世議範子以父仕為郎遷安東中郎將數討山賊所擊皆破拜偏將軍尋遷驃騎將軍

呂岱

字定公廣陵人吳孫權初統事岱處法應問甚稱權意後為交州刺史清身奉公討平高涼等

賊時已八十體素精勤躬親王事張承稱其功以權成化與道合君子歎其德小人悅其美後

拜大司馬卒年九十六

呂蒙

字子明富波人少依姊夫鄧當擊賊孫策召見引置左右當死張昭薦蒙代當拜別部司馬從

征黃祖有功又與周瑜程普等破曹操于南郡數進奇計襲獲關羽定荊州封零陵侯

呂布

字奉先九原人以驍武為并州騎都尉屯河內董卓甚親愛之卓為亂布誅卓以功封溫侯布

嘗御良馬曰赤兔時人語云馬中有赤兔人中有呂布後為曹操所害

呂凱

字季平永昌人蜀漢時為本郡功曹雍閬聞先主崩叛降吳凱與府丞王伉帥屬吏民拒閬能全其節諸葛亮表之曰呂凱執忠絕域不意永昌風俗敦直乃爾以為雲南太守封陽遷亭侯

後為叛夷所害

晉

呂祥

凱子為南夷校尉子孫世為永昌太守李雄破寧州諸呂獨不附舉國固守

呂安

與嵇康每有相思千里命駕嘗造康值不在子喜迎之不入書鳳字於門而去子喜為善康曰

鳳字凡鳥也

呂光

字世明符堅時拜驍騎將軍持節西討諸軍事攻龜茲城既急大敗之光悉收其珍寶而走王

侯降者三十餘國

南  
北呂僧珍

字元瑜廣陵人家甚寒微容貌甚偉少從師學有相士指曰此兒有奇聲封侯相也事梁

武帝為輔國將軍封平固縣侯後拜南兗州刺史尋徵還卒諡忠敬

呂文顯

臨海人宋昇明初為蕭道成錄尚書省事道成篡立為齊高帝文顯累遷殿中御史永明

元年為中書通事舍人

呂顯

字子明歸魏拜鉅鹿太守百姓頌之曰時惟府君克清克明緝我荒穢人胥樂生願壽無疆以

享長齡

唐呂諲

河東人第進士開元末歷殿中侍御史趙靈武見肅宗拜御史中丞所陳事皆納後擢同平章事出為江陵尹治有威惠民歌咏之

呂渭

河中人舉進士建中末為禮部侍郎時中書省有古柳枯死德宗自梁州還復榮茂人以為瑞柳渭令貢士賦之子溫有奇表藻翰精好舉進士官至尚書郎嘗作凌煙閣功臣贊

呂元膺

字景夫東平人安儀瓌秀有直氣諫言元和中進御史中丞歷蘄州刺史嘗錄囚囚或泣曰父母在明日歲旦不得省為恨元膺悲釋械而歸之戒還期囚果如期而至累遷太子賓客

呂思禮

長於論難諸生語曰講書論易談鋒難敵

呂才

博州清平人聰明絕人太宗召直弘文館與祖孝孫恭論樂事擢太常博士受詔刪定陰陽家

書擬可用者為五十三篇  
合舊書凡百篇詔頒天下

呂子臧

蒲州人武德初為鄧州刺史與撫慰使馬元規擊朱粲破之言于元規曰粲新敗危懼并

力擊之一舉可滅若復遷延徒眾稍集則為患深矣元規不從既而粲兵復振進攻鄧州會霖雨城壞或勸其降子臧曰安有天子方伯降賊者乎帥麾下赴敵而死

呂向

字子回涇州人學通古今尤工草隸書玄宗召入翰林兼集賢校理向始生時父岌客遠方存亡莫知訪索累年不得他日自朝還道見一老人問之乃父也向抱足號慟帝聞之咨歎官岌

朝散大夫向官至工部侍郎

呂太一

自負才華開元中張嘉貞為中書令薦苗延嗣呂太一員加靜崔訓皆位清要時語曰令



君四俊苗呂崔員  
後為監察御史

呂季重

歙州刺史以俸募士鑿車輪灘  
遂成安流至今人號呂公灘

呂嵩

字洞賓河南人天寶十四年四月十四日巳時  
生後以進士授江州德化縣令私行廬山遇鍾  
離真人受天仙劍法得九九  
數號純陽子姓呂稱回道人

呂述

開成二年自鹽鐵推官祠部郎中拜睦州刺史  
歲大旱竭誠致禱越一日大雨沂江四十里因  
獲豐稔在州實心  
愛民遠近孚悅

呂溫

字和叔河東人憲宗時由戶部員外為崔羣所  
薦上訐李吉甫陰事貶道州刺史遷衡州治有  
善狀卒二州  
人哭者逾月

呂仁

景雲中邕州司馬鬱水自蠻境七源州流出州民常苦之仁浚渠分流以殺水勢自是無沒溺

之害民乃  
夾水而居

五代呂夢奇

萊州人仕唐累官至戶部侍郎子龜圖周起居郎徙家河南龜圖弟龜祥仕宋以殿中丞

知壽州因家焉龜圖子蒙正為宰相蒙休舉進士官至殿中丞龜祥子蒙亨舉進士高等累官大理寺丞蒙巽虞部員外郎蒙周進士及第蒙亨子即宰相夷簡

宋

呂文仲

歙人南唐舉進士入宋為翰林侍讀直御書院時侍書王著書學葛湍亦直禁中文仲以

書史著以筆法葛湍以字學深承顧問後為御史中丞持憲務存大體嘗使高麗清潔無所取後高麗使至輒詢其出處稱為君子云

呂餘慶

安次人父琦石晉兵部侍郎餘慶重厚簡易事太祖以幕府舊僚叅預大政歷知數州開

寶中為尚書左

丞卒贈侍中

呂端

字易直慶第事太祖累官大理少卿太宗時為相歷官僅四十年至是始大用持重識大體卒

諡正惠子藩蔚藹皆仕于朝孫誨

居開封登進士累官御史中丞

呂誨

字獻可開封人祖端相太宗真宗為時名宰輔誨性純厚家居力學進士及第累官御史中丞

王安石初拜叅政誨言安石好執偏見天下必受其禍出知鄧州誨三居言責皆以彈奏大臣

而去及安石行新法司馬光始服其先見居洛病困目已瞑司馬光往視之乃張目曰天下事

尚可為君實勉之

呂祐之

鉅野人太宗朝舉進士歷知襄壽昇州累官工部侍郎翰林侍讀學士所著有文集三十

卷

呂龜祥

其先河南洛陽人父夢奇戶部侍郎生二子長龜圖次龜祥太平興國二年龜祥登進士

及第為殿中丞知壽州有惠政及民民愛留之不忍舍去遂家焉長子蒙亨舉進士次子蒙選虞部員外郎三子蒙周進士及第其後子孫皆至顯官

呂居簡

進士及第仁宗時為提點刑獄時夏竦有憾于石介介死竦言于仁宗曰介未嘗死北走

鄰國矣乃遣中使發棺驗之居簡謂曰萬一介果死則朝廷無故發人之墓奈何中使曰于君何如居簡曰介死當時必有內外親族及門生會葬問之可也中使乃令結狀保證以開介事

乃白居簡長者  
其行事多類此

呂昇

萊州人性孝父權失明昇剖腹探肝和藥以進父服之復能視昇亦不死淳化中詔賜粟帛

呂蒙正

字聖功河南人太宗時舉進士第一通判昇州代還歷拾遺補闕遷翰林學士拜叅知政

事嘗以宰相判鄉郡時人榮之蒙正三居相位累封許國公予行簡官至龍圖閣直學士

呂鏜

旌德人幼孤事母以孝聞操行端介嘗遊宿毫間過潘氏不御酒肉潘怪問之鏜曰遠遊養親

弗給而敢自享厚饌乎比去潘贖以金不受識者賢之鏜以布衣登朝氣度魁偉談辨琅然時

著實德傳卓行錄其名甚顯因薦授迪功郎再調鳳陽府判官

呂夷簡

字坦夫壽州人進士及第通判濠州知開封府治嚴辦真宗識姓名于屏風仁宗朝累官

同中書門下平章事進昭文館大學士手疏陳  
八事語甚切以使相出判陳州後更相進位司  
空封許國公卒諡文靖自仁宗初立太后臨朝  
十餘年天下晏然夷簡之力為多有集二十卷  
子公綽公弼公  
著公孺皆有名

呂贊

汲郡人父通仕為太常博士贊為比部郎中後  
知巴西縣致仕因葬通京兆藍田遂家焉贊有  
六子五登科大忠大防  
大均大臨皆其子也

呂諤

嘉興人天禧初登進士第後天聖景祐間二弟  
曰詢曰評相繼登進士皆有名于時嘉興登進  
士者自其兄  
弟三人始盛

呂中

字時可晉江人淳祐中登進士遼國子監丞兼  
崇政殿說書奏乞晚輪二員說書夜輪講官直

宿以備顧問又言進講經史乞依正文進讀不宜節帖避忌不惟可察古今治亂亦以革臣下諂諛之習當路忌其直徙汀州在汀暮年演易為十圖

呂希純

字子進河南人累官起居舍人以上疏論時政闡豎側目章惇既相出知亳州連徙睦歸州及父公著追貶希純亦以屯田員外郎分司南京金州居住希純有賢行杜門讀書不以夷險索心

呂泰

字濟叔揚州人舉進士第一嘗疏論宰相陳執中姦邪仁宗還其疏泰曰以口舌論人是陰中大臣也願出以示執中使得自辨泰立朝最孤知事君之節絕迹權貴故中廢十餘年人無言者泰嘗守杭州接賓客不過數語時人目為七字舍人

呂公綽

知秦州安遠寨古渭諸羌來獻地公綽曰天下之大豈利尺寸地却之弓箭手馬多闕公

綽諭諸若戶凡十丁為社秋成募出金帛市馬給之

呂夏卿

字縉叔晉江人舉進士為江寧尉修唐書成直秘閣同知禮院英宗世歷史館檢討知制

誥出知潁州長于史貫穿唐事于新唐書最為有功

呂公弼

字寶臣夷簡子積遠直史館河北轉運使自寶元慶歷以來民疲餽餉公弼始通御河漸

粟實塞下治鐵以助經費移近邊屯兵就食京東增城卒給板築蠲冗賦及民逋數百萬仁宗知名識于殿柱擢龍圖閣直學士嘗奏事退帝目送之謂宰相曰公弼甚似其父英宗時公以言事者數與大臣異議乃諫曰諫官御史為陛下耳目執政則為股肱股肱耳目必相為用然



後身安而元首尊宜考言觀事視其所以而進退之會王安石立新法公弼數言宜務安靜且將劾之從孫嘉問竊其策以示安石先白之帝不樂遂罷為觀文殿學士知太原府後拜宣徽西院使判秦州以疾求解為西  
太一宮使薨贈太尉諡惠穆

### 呂大忠

藍田人質直不妄語動有法度初登第為華陰尉未幾提舉永興路義勇哲宗朝歷知秦州有治聲後以實文間直  
學士知渭同二州致仕

### 呂大防

字轍叔大忠弟登進士第調馮翊主簿歷知永壽青城縣英宗時除監察御史衷行論紀綱賞罰及陳八事出知華州永興軍成都府務在寬民哲宗召為翰林學士拜左僕射不事邊功而天下自然富庶

呂大臨

字與叔大忠弟學于程頤與謝良佐游酢楊時在程門號四先生通六經尤邃于禮所著

有克己銘諸篇元祐中為祕書正字

呂公著

字晦叔夷簡子幼嗜學至忘寢食夷簡器之曰他日必為公輔寓居洛陽舉進士累官御

史中丞元祐初拜尚書右僕射兼中書侍郎與司馬光同心輔政後進司空卒贈申國公諡正獻

呂防

龍游人熙寧中進士有學行龍游士子發舉自防始累官至大中大夫

呂南公

南城人熙寧中一試禮闈不偶退築室灌園益肆力文學絕意進取曾肇稱其讀書為文

不事俗學安貧守道志希古人一時廷議欲命以官未及而卒所著有灌園先生集

呂涉

字昇卿零陵人與張栻游楊萬里為丞時因督  
租過其里往見之郡守問萬里曰所過知有文

才否答曰青桂里得一呂昇卿飽學之士即召  
致鄉校領袖諸生後為常德府錄參累官監司

有直聲

呂公孺

字稚卿元豐初知永興軍徙河陽洛口兵千  
人以久役思歸奮斧鉞排關不得入西走河

橋觀聽洶洶諸將請出兵掩擊公孺曰此皆亡  
命急之變且生即乘馬東走遣牙兵數人諭之  
曰汝輩誠勞苦然豈得擅還一渡橋則罪不赦  
矣太守在此願自首者止道左皆停立以俟公  
孺索倡首者黥二  
人餘復送役所

呂天策

字彥發善詩尤精書學兼數  
家之體有石刻十卷藏于家

呂希道

知和州蘇軾送以詩云去年送君守解梁今年送君守歷陽觀君崛鬱負奇表便令劍珮

趙明  
光

呂士榮

湯陰尹杜絕私謁惠政及人教民孝弟化暴勝殘幾於無訟去任民心不忘立碑以紀其

遺愛

馬

呂開

為曹幕運副鮮于侁以免後事付之開躬行一路雖深山窮谷咨謀靡不備至後為利州路判

官

呂律

郵城人父衍仕至監察御史諡文貞律幼時父書律字試之三試皆識故名嘗師事尊江先生

傳其性命之學及為曹州判官夏大旱往定陶慮囚釋遣冤滯雨大至陞承務郎知嶧州後退

居峴山書院教授生徒元祐中起為承直郎陞翰林修撰歷陞祕書少監既致仕居濮之富春園自號

蘊齋

呂希哲

字原明公著子少從孫復石介胡瑗學復從二程張載游聞見益廣務躬行實踐元祐中

為崇政殿說書勸導人主以正心誠意為本徽宗時歷知曹相邢三州為人樂易有至行遠近皆師尊之封滎陽公弟希純為中書舍人出知毫穎諸州

呂宣問

字季通開封人蒙正四世孫生六歲失母既長將訪所生以池陽當蜀道乃求調錄事參

軍凡蜀客經過必托使物色之臨滿秩有仙井兵楊俊報之曰母韓氏尚在乃棄官如荆門果得母相失四十餘年母子復如初時母年七十矣

呂好問

字舜徒希哲子以蔭補官靖康中為御史中丞數建大議彈劾無所畏避尋遷吏部侍郎

及金人南侵委曲以成中興之業建炎初為尚書右丞後以資政殿學士知宣州封東萊郡侯

呂由誠

字子明諡之季子幼明爽有智略以父恩補官後通判成都府知雅嘉溫綿四州皆有治

績靖康初徙知襲慶府時羣盜蜂起崎嶇至郡金兵來攻由誠與判官趙令佳同心誓守城陷

俱被執不屈死之

呂諒卿

惠卿季弟元符中為溫州軍事推官上書詆紹述新法之非崇寧元年編類元符章疏姓

名諒卿以邪等尤甚入黨籍追官勒停亳州編管御書姦黨碑以賜惠卿惠卿自劾求罷詔錄

諒卿疏示之諒卿廢錮終身紹興二年贈宣教郎官其家一子

呂陶

成都人其先曰懷玉曰公立世以風節聞陶舉進士累官通判蜀州知彭州俱有政績哲宗立

除殿中侍御史上疏論蔡確韓縝章惇之奸進給事中又以集賢院學士知洛州後入元祐黨

呂社

字安老建陽人宣和初上舍釋褐高宗朝累官直龍圖閣知建康府遷吏部侍郎劉豫入寇

命社護合肥諸將鄴瓊叛迫社過淮北不從而死其妻吳氏在吳中自縊以徇葬聞者哀之

呂圓

嘗為僧後以良家子應募台欽宗靖康中金入清澠間李彥仙保三觜圓往歸之功最多為愛

將城垂破以兵來援身重創持彥仙泣曰圍久不知公安否令得見公且死無恨創甚方臥聞

城陷遽起戰死

呂蒙

事親至孝父卒葬邑之杜潭蒙不忍舍去居墓下久不返子琰憂懼不已乃即其母所葬曰龍

巖者謀築室其傍以便終養屬歲飢米斗十錢  
琰解囊糴于京口度其可還以畢事不意米舟  
失所無遺粒而歸琰不以為意畢力成之乃迎  
父於其中蔬食四十年一日焚香巍坐而逝琰  
克大事悲以家事屬諸子自居龍巖舊廬戀慕  
不返勝其廬曰報慈用父詩句也後以子貴封

迪功郎卒  
贈宣教郎

呂本中

字居仁好問子宣和中為樞密院編修官紹  
興初特賜進士累官中書舍人兼侍中本中

性清約工詩詞卒謚文清所著有師友淵源錄  
春秋解童蒙訓等書于大猷大同從子大器孫

祖仁祖平祖謙祖儉南渡後寓  
居婺州世有中原文獻之傳

呂午

字伯可歙縣人嘉定中進士累官監察御史糾  
正官邪不顧忌觸秉國者欲疎之逮浙東提刑



復入為御史兼崇政殿說書遷起居  
郎以論諫切直名卒贈華文閣學士

### 呂頤浩

字元直其先樂陵人徙齊州舉進士高宗時  
歷知江寧府會苗傅作亂頤浩倡義勤王與  
張浚語曰今事不諧不過赤族為社稷死豈不  
快乎高宗復位陞中書門下平章事卒贈太師

封秦國公  
謚忠穆

### 呂大鈞

大忠弟中乙科歷官知三原縣後為廊延轉  
運司從事大鈞初學于橫渠後又卒業于二

程平生以聖門事業為己  
任所著有四書註及鄉約

### 呂祖謙

字伯恭夷簡六世孫祖好問隨高宗南渡仕  
至尚書右丞卜居金華祖謙早擢高第歷官

著作郎直秘閣倡道於婺為一代宗師  
號東萊著書立言並行于世卒諡成

呂撫

齊州人。頤浩子。官至朝散郎。貶梧州。秦檜追憾

色。

呂恭

字敬叔。尚氣節。明陰符。握機之術。三子爽、環、特。

呂祖儉

字子約。祖謙弟。仕至太常寺丞。慶元間。論姦惡。忤旨。謫韶州。卒。賜諡忠。號大愚。有文集行。

呂祖泰

字泰然。婺州人。性疎達。尚氣誼。學問該洽。交當世知名士。祖儉以言事安置韶州。祖泰往。

世弟祖泰。上書乞誅韓侂胄。坐配欽州。士大夫重其義氣。

省曰。自吾兄之貶。諸人箝口。我雖無位。義必以言報國。周必大致仕。祖泰乃詣登聞鼓。院上書論韓侂胄有無君之心。請誅之以防禍亂。語甚激切。詔拘祖泰于連州。

呂沆

字叔朝午子以恩補將仕郎端平中授黃巖主簿知於潛縣通判婺州皆有善政彗星見沆請

罷公田還民大忤賈似道意以雲臺觀起知興國軍及全州皆不赴德祐初召赴行在沆不復

出卒年八十

呂重庚

嘉興人博學能文端平間登進士官至大理正自號九山所著有九山集

呂大亨

孝子蒙之曾孫以能詩名師陳君舉友蔡行之同升太學壁記在陳下蔡上二公既貴獨

大亨遺落不偶或戲之曰所謂厄於陳蔡之間者也嘉定間為平陽縣丞有詩數百篇邑人至

小胥皆能誦之

名沃洲襟詠

呂冲之

字大老慶元進士授通州靜海縣簿遷南康軍僉判致仕賜緋衣魚袋葬于長隴

呂敬伯

敬仲兄弟有大志以聖賢為師從學於真西山先生先生稱其有求道之志因示以入道

之要佩服仁誠敬三言終身不忘見西山集

呂良才

字賢甫從真西山文忠公游舉淳祐進士任潭州善化縣尉社倉義餘千計無所取上下

文薦政京秩辭歸為鄉邑請行經界立義役建興梁累費鉅萬不靳

呂槩

字元忱仕至朝議大夫監察御史始為岳渚法掾擅發常平倉賑飢編光廟寬恤詔令進寶鑑

論二卷請法藝祖

呂秉南

字景陽紹定中進士授崇安尉秩滿調寧國法曹獄無停囚改吉州如除職當署數治疑

獄有聲郡有強盜害民悉掩捕之臬司據國律當異擢奏功于朝滿考人謂申前奏改秩秉南

笑曰朝廷曠恩賞有功豈求而後予且害人利  
己吾不為也部使葉夢鼎賢之勉留叅議尋遷  
都進奏院點檢南宮試牘稱得人入預輪對以  
正君心為急務語極遷大理寺丞無何拜司農  
卿時政歸權臣每除吏必市恩意以要士論公  
屢遷無私謝或諷之則曰爵公器也非私予也  
吾何謝為由是言者以其傲免歸即日渡江去  
不一介于胷明年主祠仙都觀朝議大夫賜緋  
銀魚袋乘南平生事親孝處兄弟友教子姪有  
方升膠庠取科級者甚衆律已簡靜居官每獨  
往廉潔自持尤不樂阿附務進取故歷仕  
四十餘年位不過寺丞官不過朝議而已

## 呂武

太平州步卒也文天祥出使武應募從行及偕  
脫鎮江之難走海道賴武力為多天祥開府劔  
南武以武功補官遣結州縣起兵相應道阻復  
崎嶇數千里會天祥于汀梅挺身患難化賊為

兵其忠鯁出天性後  
出江西死于橫逆

元

呂貳

河內人從許衡學衡為祭酒薦貳為伴讀輔成  
教養其功為多嘗為四川行樞密院都事勸主帥李  
德輝不殺王立未幾立降巴人感德立祠祀之  
累官翰林侍讀學士致仕卒追封東平郡公諡

文穆

呂思誠

字仲實平定州人泰定元年進士至正初僉  
浙西廉訪司事時南臺御史大夫與江浙省

臣有隙嗾思誠誣劾思誠曰吾為天子耳目不  
為臺臣鷹犬也不聽已而聞江浙行省平章左  
吉貪墨思誠劾奏其罪流之海南後  
官至光祿大夫大司農卒諡忠肅

呂祐

晉江人至正末郡城破有卒拔刀脅其母索財  
不得欲斫其母祐奪其刀手指盡裂被傷仆地

良久而甦開目視曰母幸無恙我死無憾矣遂瞑目而死

呂復

攝長樂縣尹本朝兵下福州復曰吾世食君祿今雖攝官若不以死報國則無以見先人於地

下引繩  
自經死

明

呂讓

字克遜平度州人洪武間舉進士為行人安南內侵上遣讓往諭之讓乃為書與安南國王陳日焜後王饋黃金及沈檀香讓却之曰尉佗以區區之越與天子抗衡是召禍者也陸賈受其金以分諸子是苟利者也王顧以尉佗自處而以陸賈處人何其陋哉日焜無以對後授監察御史終陝西僉事

呂震

字克聲臨漳人自幼穎敏日記萬言人以神童稱之洪武中鄉舉為按察司僉事明敏有為聲

舉大振歷禮部尚書垂二十年凡禮樂制度郊廟祠祭宴饗賜賚朝會之事皆擬定其手時論之推

呂本

壽州人初任元為元帥府都事國初歸附為中書掾史累陞太常司卿卒史禮二部尚書賜葬

鍾山之陰女為皇太子妃

呂文遂

字仲明永康人元季起兵保鄉邑王師克婺父遂籍兵來歸上以為廬州守洪武元年改

字嘉興松寇錢鶴臯來襲城文遂爭曰據城者賊民則何辜乃釋不屠尋詔文遂持節諭閭閻國道死郡民巷哭之已而私鹽獄興有司以文遂嘗署牘奏籍其家上知其誠信不圖奸利且致於使事特詔還之



呂師賢

字愚卿年一百零三歲人稱百歲老人幼失怙恃年十二三讀書通大義叔父琴山翁無

子訓育之欲使為嗣老人曰子幼孤賴叔父教養叔父之恩固不敢忘然先人無別子使其嗣

叔父則先人無後矣叔父求子姓之賢者嗣某之孝奉其敢少怠乎翁然其言命他子為之後

老人益刻志孝養事其叔父適於父叔父沒老人服三年喪鄉人稱其孝焉老人天性敏悟純

實而樂善資直而尚義務勤儉好施予然稟賦厚重神氣精爽每食啖肉一斤步趨如少壯人

謂類有神仙術者其子升竭盡孝養以故士大夫至其鄉無不造門請見且為詩文以嘉美之

洪武丁巳正月六日無疾而終

呂迪

字茂恭少穎敏補邑庠生父坐累死逆旅扶柩歸葬哀痛不勝永樂初領鄉薦登乙榜授無為

州訓導無為當淮衝罹元季兵後學校廢文風不振者數十年迪至講明啟迪承指教者悉通文藝是後人材輩出而邢寬魁天下補濟寧陞連江教諭提學僉事高某嘗言連江有呂教諭鄉先生陳密有才德歿無以葬其家將火瘞請捐俸倡其徒具棺葬斂之考最例陞教授遽請老而歸聚子弟教之遠近接踵而至創祠堂講行時祀自題所居曰熙春有學古集

呂叔

字升章山陰人永樂間以儒學教授薦陞江西按察司僉事深得憲體調福建按行建汀有螟傷稼叔向天祝之俄雷雨大作螟盡死官至南京大理少卿

呂爰正

奉新人永樂中鄉試擢兵部主事廉謹守法歷陞郎中精于所務輿論以為不可及特陞

左通政仍理其事  
尋以老疾辭歸

呂明

永樂中知南康府時兵戈初息流民四散明孜致愛民招撫有方躬循田野以督耕桑民有闕

者訓之以義而諭之以法自是民皆感化無敢強梗者

呂昭

字克明崑山人嗜學敦行永樂中以薦授徐州訓導陞沁州知州道出徐州天寒尚未挾纊故

所授經弟子為買一裘以行其子旦舉進士昭遺書戒之曰進士美官然不能廉終非吾子死

亦不歆汝祀其廉介如此旦字寅伯

歷按察僉事性亦高潔環堵蕭然

呂賢

字良器鄆人蚤游邑庠父喪母俞孀居遂棄業歸養俞嘗三邁疫染而殆於枕席賢窮日夜扶

侍而卒不染值旁室火災勢迫母樞賢呼天觸地俄而反風轉燄賢得移樞丈許燄復闔室矣

賢氣和行方而為義尤力嘗捐產以業族姪又為族子之貧者娶婦且植之俾有成贈儒林郎

欽定四庫全書

卷七十五

左春坊左司直兼翰林院檢討所著有皇極經世律呂新書正蒙諸解及鵝峰遺稿藏于家

呂原

字逢原秀水人正統壬戌進士第二授翰林編修天順初歷通政司叅議兼侍講歷學士入內

閣叅預機務時緝捕匿名謗毀朝政者未獲石亨勸上出榜募能告捕者賞以三品職上令內

閣撰榜格原與修撰岳正見上曰為政有體盜賊責兵部奸宄責法司豈有天子自出榜購募

之理且堯建進善之旌舜立誹謗之木泰始皇護短杜諫乃下誹謗妖言之令由此過失不聞

遂至亡國陛下當以堯舜為法以秦為戒緩則人情怠忽事自覺露急則人情危懼愈求韜晦

不如勿究上是之天順四年會試原為主考官取陳選第一時稱得人六年以憂制去會卒贈

禮部侍郎

諡文懿

呂鏞

湖廣人正統間知清流縣撫字有方邑民悅服鄧茂七寇縣境鏞盡力保障民咸逃竄則躬巡歷招撫之未幾賊衆二萬餘攻縣鏞率民兵與戰衆寡不敵會賊首陳正景所執欲逼降之鏞大罵不屈而死邑民祀之

呂淵

字希顏號復菴自幼好學不懈為文章奇氣爽爽登正統己未進士第授行人轉監察御史巡歷湖湘斥姦貪捕寇盜風裁凜然陞湖廣按察副使進雲南憲使尋陞布政使休致家居罕接人事有復菴集藏于家

呂琛

字景潤制行方執篤于友愛由鄉貢授嘉魚令潔己守法不事迎謁由是忤權貴調新寧邑襟夷苗負固不率通官租鉅萬琛至撫以恩信諸苗相率服來輸民賴以安後謝事歸邑士人移

狀問安凡  
三致焉

呂昌

字如隆新昌人正統  
壬戌進士歷按察使

呂鳳

字世禎新昌人天順  
庚辰進士歷侍郎

呂洪

字大正平陽人景泰  
甲辰進士歷按察使

呂禴

昆明人舉人成化五年知隨州嚴明廉慎始終  
如一日值歲旱民飢禴素衣跣足禱雨發倉賑

貧捕獲鼠竊必寘之嚴法數歲民風寂然外戶  
不閉初夏民納祇候錢禴曰五穀未登錢必假  
貸于人者令還主候秋赴納隨民  
感其德至今傳誦祀于名宦祠

呂大川

字中源新昌人成化進士守惠州才識精敏  
判決如流人誦之曰呂惠州之政雪霜內有

陽春戎馬中行  
組豆者也

呂鐸

字文振德化人由進士任兵部主事陞員外郎  
成化間轉山東右叅議後至浙江叅政為人寬

簡與物無競嘗給內帑賑邊  
不私羨餘以廉能著于朝野

呂獻

字應文新昌人成化  
甲辰進士歷侍郎

呂和

字克中鄞人生有異質戊午領鄉薦繼登弘治  
己未進士出尹臨淮有異政陞刑部主事員外

郎山東按察僉事有王尚書弟倚勢殺人當道  
莫敢誰何竟致之辟長清縣令劉儒內結權貴  
貪酷靡所忌痛繩之即誣和下詔獄久之始白  
遷陝西副使撫治漢中積蠹振刷繕漢中寧羌  
諸城立南鄭金州諸學酌丁差之規停更番  
之戍州縣民各立祠祀之進四川按察使

呂盛

字文郁建平人弘治己未進士歷叅政

呂夔

字祖邦永豐人弘治間以工部主事分司至是時江淮旱飢流離捐濟民之斃踣者無慮千萬夔惻然傷之乃約己省事悉意以甦民令貧民各得轉移執事勿繩以類擔負傭保惟力之食官不籍記公無勾稽隱若賑貸故民欣欣然若更生焉所賴以活者甚衆稍遷杭州太守夔為人潔修而文雅好吟詠在真時有草亭餘興集其初至詩曰近村官舍清於水更喜官清水不如殆亦自道者歟

呂經

字道夫陝西寧州人進士授吏科都給事中以論漳關鎮守中官謫蒲州判嘉靖初召復吏科給事中陞四川按察使雲南左布政後陞副都御史巡撫遼東以邊事編戍茂州衛



呂紀

字廷振號樂愚鄞人風神秀雅精於藻繪時縱小詩其上初學邊景昭花鳥袁忠徹見之謂出

景昭上館於家使臨唐宋以來名畫遂入妙品獨步當代嘗戲畫雌雞壁間而生雄谷谷繞其側弗去殆古點精敵版之流孝廟時召至京師官錦衣衛指揮同知紀為人謹禮法敦信義指紳多重之其在畫院凡應詔承制多立意進規孝皇稱之曰工執藝事以諫呂紀有焉比病存問絡繹自言曰紀渥恩難勝吾其死矣果卒

呂朂

字天翰永豐人簡易寬恕慷慨有大節為刑科給事中遇事敢言武廟即位以謹初政六事進

官官逆瑾專恣獨抗疏極論觸瑾怒矯詔獄痛捷于廷瀕死點歸起陞雲南僉事勦寇有功尋陞四川副使

呂憲

原子廕授中書舍人舉鄉試歷官太常卿有學行

呂枬

字仲木高陵人正德進士第一歷禮部侍郎自總角至于出仕即有志聖賢之學踐履篤實晬

盎外著不知功名富貴之動心措紳學者隨在以為師稱為涇野先生諡文簡

呂陶

字叔鈞真定人正統甲戌進士歷布政

呂顥

字幼通寧州人嘉靖癸未進士歷順天府尹

呂高

字山甫丹徒人嘉靖己丑進士歷提學副使

呂光洵

字信卿新昌人嘉靖壬辰進士任御史歷總督雲南都御史兼兵部尚書

呂懷

字汝德永豐人嘉靖乙未進士任編修歷中允南太僕寺卿潛心理學飭躬砥行為時所稱

呂時中

字道夫清豐人嘉靖辛丑進士歷戶部侍郎

褚

河南羽音宋共公子段食采于褚號曰褚師因氏焉

周

褚承真

漢

褚大

漢人居蘭陵以儒學稱通五經為博士

褚當時

褚孺

字彥子

褚少孫

受魯詩于王式亦以儒學稱元成間為博士

三國褚泰

仕吳封錢塘臨平侯

欽定四庫全書

卷七十五

晉褚翼

字謀遠陽翟人以才藝名襲父爵為關內侯累官淮南內史蘇峻之亂翼與王導抱帝登殿侍

立左右峻兵入翼正立呵之兵不敢動賊平以功封長沙縣伯進尚書左僕射

褚裒

字李野陽翟人少有盛名桓彝目之曰李野有皮裏春秋言其外無臧否而內有褒貶也謝安

亦曰裒雖不言而四時之氣已備仕終鎮北將軍名冠中興

褚陶

字季雅錢塘人聰慧清淡年十三作鷗鳥水碓二賦見者奇之張華謂陸機曰君兄弟龍躍雲

津顧彥先鳳鳴朝陽謂東南之寶已盡不意復見褚生後官至中尉

褚脩

吳人年七歲善碁及長冠絕當代父榮期與臧質同逆遂從誅何尚之謂脩之奕妙冠古今因

父受戮特痛惜之

南褚暉

字高明以三禮學稱于江南隋徵天下儒術之士集內史省相次講論博辨無所屈撰禮疏一

百卷

褚淵

字彥回袁四世孫父湛尚書左僕射淵少有清譽父卒財寶悉與諸弟惟取書數千卷仕宋及南齊累官尚書令侍中及卒家無餘財彥回美姿容山陰公主欲亂之彥回不從子賁從父弟

焯並有名

褚球

字仲實陽翟人少孤貧篤志好學有才思仕齊為溧陽令在縣清白公俸之外一無所資梁天

監中復令建康強直不畏權要吏民稱之

褚修

錢塘人父仲都喜周易天監中歷五經博士修少傳父業善尺牘辨文章武陵王為揚州引為

欽定四庫全書

嘉慶七年  
卷七十五

宣惠叅軍帳內記室性至孝父喪毀瘠過禮及  
丁母憂水漿不入口二十三日氣絕復蘇每號  
慟啞血竟  
以毀卒

褚伯玉

字元瑜錢塘人少有隱操寡嗜慾往剡居瀑  
布山三十餘年隔絕交往齊時王僧達為吳

郡苦禮致之伯玉不得已停郡信宿纔交數言  
而退寧朔將軍丘珍孫欲屈見之竟莫能致齊  
高帝手詔吳會二郡以禮迎遣辭疾上不  
欲違其志勅于剡白石山立太平館居之

褚綦

字茂緒河南陽翟  
人為義興太守

褚裕之

字叔度初為太宰瑯邪王行叅軍從征鮮卑  
盡其誠力盧循攻查浦叔度力戰有功循南

走武帝版行廣州刺史加都  
督建威將軍領平越中郎將

褚淡之

字仲原為會稽太守景平初富陽縣孫氏謀逆縣令羊恂率吏民拒戰力少退敗賊益盤

據直攻山陰淡之率兵與賊戰於柯亭大破之

褚湛之

字休玄尚武帝第七女始安哀公主拜駙馬都尉著作佐郎湛之謹實有意幹故為文帝

所知歷顯位為太子中庶子司徒左長史侍中左衛將軍左戶尚書丹陽尹

褚玠

字溫理九歲而孤早有令譽先達多以才器許之及長博學能屬文訓義典實不尚淫靡陳天

嘉中為通直散騎常侍聘齊還遷中書侍郎

褚烜

字彥緒陽翟人少清簡為王景文所知補太子舍人永明元年為吏部尚書烜居身清立門庭

蕭索卒無以為殮諡曰貞

褚焰

字彥宣彥回從父弟也父法顯陽太守焰少

有高節王儉嘗稱才堪保傅為成安郡還以一

目眇名為國子博士不拜常非彥回身事二代

彥回子賁往問訊焰焰問曰司空今日何在賁

曰奉璽綬在齊大司馬門焰正色曰不知

汝家司空將一家物與一家亦復何謂

褚翔

字世舉繼其祖恭為義興太守潔己省繁苛去

浮費百姓安之郡西亭有古木枯死累歲比翔

至復生成以為

為善政所感

褚爽

字弘茂河南陽翟人恭思皇后父也少

有令稱謝安甚重之為義興太守蚤卒

褚賁

字蔚先湖之子解褐秘書郎昇明中為世子中

庶子入齊拜侍中湖卒服闋見世祖流涕不自

勝上甚嘉之以為侍中領步兵校尉長史左戶

尚書散騎常侍秘書監不拜六年上表稱疾讓



封與

弟綦

唐  
褚亮

字希明錢塘人自少警敏博學通圖史陳後主召見賦詩江總諸詞人皆服其工後仕唐為弘

文館學士官至散騎常侍卒年八十八贈太常卿陪葬昭陵

褚遂良

字登善亮子博涉文史工楷隸貞觀中歷官諫議大夫兼起居注太宗曰朕有不善卿亦

記邪對曰臣職在載筆君舉必書遷黃門侍郎參綜朝政尋受顧命輔高宗遷尚書右僕射帝將立武后遂良力諫不納乃置笏殿階叩頭流血曰還陛下笏乞歸田里後累貶愛州刺史竟

以憂  
卒

褚無量

字洪度鹽官人家臨平湖有龍出人皆走觀無量尚幼讀書若不聞衆異之擢明經遷司

業中宗將南郊詔以皇后為亞獻無量極諫之玄宗即位遷左散騎常侍

褚冲

字士和通禮易舉明經授奉化主簿辭歸觀察使李棲筠復表授國子助教

褚載

字厚之元和中客梁宋間以詩投襄陽節度云西風一夜墜紅蘭一宿郵亭事百般無地可耕

歸不得有恩當報死何難流年怕老看將老百計求安未得安一卷新書滿懷淚頻來門館訴

飢寒君牙薦之擢第

五代褚仁規

字可則廣陵人仕吳為海陵制置院使南唐昇元元年置泰州以仁規為刺史開築城壕

宋褚一正

字粹翁廬州人武舉進士德祐二年為提刑諮議督戰高沙被創沒于陣

褚向

字景政俊雅有器量位侍中風儀端麗眉目如畫每公庭聚列為眾所瞻望

褚承亮

真定人宣和中進士調易州戶曹會金幹離不破真定拘集境內進士試之承亮獨不出

軍中押赴對策策問二帝無道失信承亮曰君父之罪豈臣子可得言長揖而出卒諡玄真先生

元褚不華

字君實石樓人沈默有器局泰定中為嘉興路治中累官淮東廉訪副使汝潁盜起君實

極力守淮安凡五年殆數十百戰精忠大節人比嚮守淮安

之張巡事聞追封衛國公諡忠肅

明

褚讓

上虞人永樂進士

褚思敬

天台人永樂進士

褚垠

字弘鎮寧鄉人成化舉人任知縣

褚圻

字弘望常熟人弘治癸丑進士

褚祚

字昌胤吳縣人弘治進士任御史

褚鏞

字孟玉涇陽人性至孝母病求糞嘗之後病果愈比其沒也哀毀踰禮葬廬墓三年有雙鶴飛

集屋上久之乃去正德中鄉舉未仕而卒

褚寶

字光楚懷遠人嘉靖己丑進士兵部郎中

褚璵

字廷輝初任汝州學正轉滄州陞興化府學教授三典鄉試文衡擢國子監博士經學優長操

守端潔



萬姓統譜卷七十五